



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

U N P E R

Z U B Y U Y U L R

P. 10)

10-15

476 68

ՆԵՐՔՈՂԵԱՆ

ՅՈՐԴԻՍ ԵՒ Ի ԹՈՌՈՒՆՍ

ՍՐԲՈՅ ԼՈՒՍԱԻՈՐԶԻՆ



Ի ՎԵՆԵՏԻԿ

Ի Տպարանի Մխիթարեանց

Թ 6 Գ - 1854

**Bayrische
Staatsbibliothek
MÜNCHEN**

ԲԱՂԱՅՆՔ սրտի խմոյ բորբոքի ,
և տկարութիւն անձին խմոյ նահան-
ջեալ կասեցուցանէ 'ի յօժարութե-
նէս . յայսն առ Աստուած ստիպէ ,
և սէր սրբոցն փութացուցանէ .
բայց անարժանութիւն իմ ոչ տայ
համարձակել . վարանեալ գոմ
յերկոցունց , և տարակուսեալ 'ի
մէջ ծփանաց . երկնցիմ 'ի մեծու-
թենէ իրիս , և զարհուրիմ 'ի հեղ-
գութեանցն սպառնալեաց . փու-
թամ յուսով և սիրով 'ի գաշնա-
կումն բանիս , և հրաժարեմ 'ի
պատկառելի պատուոյս : Մեծ է
սէր քան զամենայն . և գովելի
գտանի երկեւղ յորժամ ոչ լինի
ընդ տանջանոց . բազում են պատ-
ճառք լռութեան , և յուով կաս-
կածանոց արդեւման . նուազեալ է

Ժամանակ , և ցամաքեալ սէր բազմաց :

Վասն որոյ ոչ քնն խնամանումն եպերանաց տեսանի 'ի յանդգնելոցն յաչաղութեամբ ընդդէմ այնոցիկ , որք 'ի հոգս իրաց հանդիսանան . այլ որ անօրինելոցն է՝ անօրինեացի . և որ բարկանալոցն է՝ բարկացի կարճատութեամբ և նախանձու զինեալ վշտով . զի տէր ճանաչէ զխորհուրդս մարդկան յիւրաքանչիւր միտս որոշեալս և զանազանեալս . որ քննէ զսիրտս և զերկամունս : Այլ ինձ բանս յառաջեացի , և սուրբքն պատուեսցին գովութեամբ , և Աստուած փառաւորեսցի :

Եւ զի քահանայական է տօնս , քահանայից և խրախուծիւնս . համազգեաց ինդութիւնս , հովուապետաց հանդէսս . վասն որոյ մանաւանդ պատուելի է 'ի մէջ . զի մերազնեայք դոն կոչնատէրքս . և առաւել երախտաւորք հովիւքս սուրբք . հալք հոգեւորք , ծնողք բարեփառք . առաջնորդք յաջողակք .

նաւաստիք խմատուռիք , հանգիստ-
դիրք նորահրաշք . արքանեակք
երանաւէտք՝ բազմագիծի երկամբք
ծնանելով , և մեծագոյն սիրովն աշ-
նուցանելով զորդիացելոցս անձինս ,
հաստատելով վերստին 'ի յոյսն
կենդանի :

Եւ արդ զնոց հասուացուք փո-
խարէնս երախտեաց հարցդ հոգե-
ւորաց . կամ զորպիսի արխտուրս
տացուք ընդ մեծագոյն վաստակոց
աշխատելոցն 'ի մշակութիւնս հո-
գեւոր գործոց . զի թէ զամենայն
սուրբս պատուել պատուէր ընկա-
լաք , որչափ եւս առաւել զհա-
մազգի առաջնորդս մեր և զծնողս
զմեզ հոգեւոր շնորհիւ . զի թէ
յընտանիս հաւատոյ հրաման առաք-
գլթալ , և զակն ոչ գարձուցանել 'ի
զաւակէ ազգատոհմի ըստ գրեցե-
լումն , ապա քանի՛ եւս հարց մերոց
հոգեւորաց պարտիմք շնորհակա-
լուք լինիլ տօնասիրութեամբ գլթա-
ծաբար , զի մի դատիցիմք ընդ ապե-
րախտիցն և ընդ անշնորհակալու բա-
րեկրելոցն : Զի ոչ կարելն 'ի գոր-

Ծառնութի ըստ արժանոյն՝ ՚ի տկա-
րութենէ ասացաւ լինել անձին . իսկ
ոչ կամելն ձեռնամուխ լինել ըստ
բաւականին , յանհաւատութենէ
ստուգեալ եղեւ . այլ հաւատով և
սիրով յօժարելն՝ հաճոյ է Աստու-
ծոյ և սրբոց իւրոց . և թէ այս այս-
պէս է հաւաստի՝ որպէս և է իսկ ,
ապա բարիոք է , քան ՚ի քուն թան-
ձրութեան խորդալ ծուլսութեամբ ,
աշխատսիրութեամբ յօժարամիտ լի-
նել ՚ի գործ . և ըստ այսմ՝ սարսի-
ձեռնամուխ լինիմք յիրս . թէպէտ
և կասեալ գտանիմք յարժանւոյն .
զի քան զոր տայ Աստուած՝ առա-
ւել ոչ պահանջէ . և ոչ սուրբքն
եպերեն զըստ կարողութեան հան-
գիսացեալն . այլ սիրով հաճու-
թեան ընդունին և վարձս հատու-
ցանեն :

Եւ արդ որովհետեւ զպատ-
ճառսն ՚ի բաց մաքրեցաք զպատճա-
ռասիրաց , եկայք այժմ՝ սիրելիք՝
մտաց աչօք յառեցուք ՚ի հանգէս
սրբոցն . և դիտեսցուք որչափ և է
կարողութիւն՝ զերանելեացն զմե-

ծովիւն շնորհին . Թերեւս կարաս-
ցաք փոքր 'ի շատե ընծայարեր լի-
նել որոցն . զի կոչնատերք մեզ ա-
ւուրս հանգիսի և պատճառք ժո-
ղովոյս՝ ոչ մի ոք կամ երկուք 'ի
հարց բարեփառաց , այլ յոլովից
վեհից և պատուեցելոց անձինք .
հովուաց և հովուապետաց հաւա-
քումն . քահանայապետից քահա-
նայացելոց , և պատուով ճոխացե-
լոց մեծութեամբ . Արիստակէս և
Վրթանէս , Յուսիկ և Գրիգորիս .
ընդ որս և մեծն Դանիէլ սքանչելի
երեւեալ , յայլամեռ ցեղէ՝ բարի
արգասիւք առ այսօսիկ միացեալ .
Եւ սոքա երանելիքս զորոց զիշա-
տակս տօնախմբեմք , յառատա-
բուղիս ազբերէն յառաջեալք , ան-
ճառելի վտակաց բղխմամբ՝ զծարա-
ւի անդս մտաց մերոց ուռդեալք
յառատաւածային հոսմանցն վտա-
կաց : Տունկք տենչալիք 'ի մեծա-
դոյն բուրաստանէն բողբոջեալք .
բարունակք բեղնաւորք 'ի հայրա-
կան որթոյն ուռ շառաւիղեալք .
ծաղիկք ծիրանափառք , 'ի ծովայ .

ին ծոցոյ ծաղկոցէն ընծիւղեալք .
 պտուղք գեղեցիկք 'ի բարիոք ար-
 մատոյն բարւոք բոլորեալք , քաղ-
 ցրահամք և վայելչազարդք . ցան-
 կալիք և քստմնելիք . արեանառուք՝
 հօրն արփիածագ . պերճացեալք
 պատուով վեհագոյն . թագակա-
 ռոյցք և թագաւորազունք . բանի-
 բունք և բերկրահամբոյրք . քա-
 ղոջք պատուիրանին ճշմարտութե ,
 և քաջամարտիկք 'ի պատերազմի
 ընդդէմ այսոցն չարութեան . խօ-
 սեալք առաջի թագաւորաց ըզ-
 վկայութիւն տեառն ամենայն հա-
 մարձակութեամբ , և նահատա-
 կեալք ճշմարտաքարոզ վարդապե-
 տութեամբ . քահանայական շնոր-
 հիւ պսակեալք , մարտիրոսական
 հանգիսիւ պայծառացեալք , վկայա-
 կան անուն ժառանգեալք , 'ի գանձ
 տեառն յաւելեալք , և յարքայու-
 թիւնն երկնից փայլակնանման ե-
 րեւեալք . գասակիցք դասուց ան-
 մարմնոց , և փառաբանիչք փառաց
 բարձրելոյն : Արիստակէս մեծ քա-
 հանայապետ , մեծափառ հօրն փո-

խանորդ . ըստ գրեցելումն՝ փոխա-
նակ հարց եղիցին որդիք . ոչ միայն
ժառանգ հայրենի պատուոյն , այլ
և սրբութեամբ վարուց՝ հօրն հա-
ւասարորդ գտեալ . մանաւանդ թէ
և կուսութեամբ առաւելեալ եւս
քան զնոյն . սուսեր հոգեւոր երե-
ւեալ ճշմարտապէս բանիւ վարդա-
պետութեան . անակնառու յան-
դիմանութեամբ՝ յանմտագունից ա-
տեցողաց 'ի վերայ պատուիրանի
տեառն խողովողեալ՝ առաքելարար
զմահ ընդունէր , 'ի կաճառս կեն-
դանեացն թեւակոխելով . զի միշտ
կենդանի գոլով Աստուծոյ ըստ
տերուհեան հրամանին . յեկեղե-
ցիս անգրանկաց գրելոց 'ի յեր-
կինս 'ի վերինն Երուսաղէմ որ է
մայր մեր ամենեցուն . յազատն 'ի
վայրաքարշ վրդովմանց , հուպ տա
Երրորդութիւնն . ուր սերորեիցն
գապք , քերորեիցն գունգք , աթո-
ռոցն ջոկք , հրեղինացն հոլք ,
ճշմարտապէս տնգ և քահանայա-
պետն մեր սուրբն Արիստակէս . ուր
և փառաւորէ իմանալի ձայնակցու-

Թեամբ ընդ երկնայնոցն դասուց
զքահանայապետն Քրիստոս զփա-
ռաւորեալն ընդ հօր և հոգւոյն
անշուշի ձայնիւ յաւիտեան :

Սա էր 'ի կառուցման 'ի վիմին
հաւատոյ 'ի նիկիական հարցն հա-
ւաքումն՝ փոխանորդ հօրն առա-
քեալ 'ի հռովմայեցւոց մեծադա-
հուլութիւնն . մեծափառ և զարմա-
նալի հրաշիւք անդ փառազարդեալ .
'ի մէջ բազմախումբ հարանցն սրբ-
բոց հանդիսաւոր երեւեալ . 'ի վե-
րայ կապուածակ ալեացն լայնատա-
րած լճին լիութեան վեհաւէտ և
քստմնածածան կորովակի սիբա-
շարժ Թանձրութեամբ ջուրցն Ով
կիանոյն՝ սիգաքայլ ոտիւք սրընթա-
ցութեամբ սխրացեալ , անվեհեր
դիտմամբ յիսուսաբար 'ի նկատեալ
տեղին հասանէր : Ոչ պետրոսօրէն
երկմտէր , այլ փրկչաբար խիզա-
խէր : Եւ ժողովեւոց հարցն բազ-
մութեան՝ սխրալի հիացումն առ-
նէր . և զանդրադարձութիւնն եկա-
ւորութեամբ՝ ոչ տաճրակուսանօք
ինչ հայթայթէր , կամ յառաջար-

կեալ հանգիսէն կասեր . այլ նոյնա-
 ձեւ օրինակաւ համարձակապէս 'ի
 հաստատուն երկիր ելանէր . որ և
 հետք հետագնացութեանն մինչեւ
 ցայսօր ժամանակի լուսաշաւիղ ե-
 րեւմամբ 'ի վերայ երեսաց ջուրցն
 տեսանի առ 'ի յիշատակ սրբոյն
 որանչեւեաց . և ճշմարտապէս ամե-
 նայն ուրեք 'ի տեսողացն ստու-
 դիւ պատմի առանց երկրայութեան
 որպէս և է ճշմարիտ . նա և թըշ-
 նամեաց վկայութեամբ հաստատի
 հաւատեալ , որ զորաւոր է յամե-
 նայնի . այլ և տուն Աստուծոյ և
 առճար սրբութեան 'ի տեղւոյն
 հաստատեալ , առ 'ի վկայութիւն
 հրաշիցն և 'ի հաւատ տեսողաց :
 Յորոց հիացմամբ փառս վերառա-
 քի հրաշագործողին Քրիստոսի .
 զի Աստուած փառաւորեալ է 'ի
 խորհուրդս և 'ի բանս և 'ի գործս
 որոց իւրոց ճշմարտապէս : Եւ ըզ-
 փառաւորիչս իւր փառաւորէ փա-
 ռաւորեալն յամենայն 'ի գործս
 բարիս որդւոց մարգկան . զորոց
 տեսեալ զմեծապանչ հրաշս ժողո-

վուրդք հաւատացելոց, փառաւորեն զհայրն երկնաւոր զտուիչն այնպիսի իշխանութեան մարգկան։ Սա դառնայր 'ի ժողովոյն նիկիայ և գայր յաշխարհս հայոց մեծաւ հանդիսիւ, շնորհօք հոգւոյն սրբոյ զօրացեալ, հանգունատիպ փրկչին մերոյ Յիսուսի դառնալոյն զօրութեամբ հոգւոյն 'ի Գալիլեա . և ելանէր համբաւ զնմանէ ընդ ամենայն կողմանս գաւառաց ուր և հասանէր . որք ասէին՝ Այս այր է որ իշխանութեամբ սաստէ հողմոց և ծովուց ըստ օրինի փրկչին Յիսուսի և հնազանդին սմա : Նա և այսոց պղծոց հրաման տայ և ելանեն . և զամենայն ցաւս ապաքինէ 'ի մարդկանէ զօրութեամբ տեառն իւրոյ : Որք լուեալ բերէին զամենայն հիւանդս և ախտաժէտս և ընկենուին առ ոտս նորա և բժշկէր զամենեսեան . և տեսեալ բազմաց զեղեալ սքանչելիսն , տային փառս Աստուծոյ և ասէին , որպէս լուաք՝ սոյնպէս և տեսաք : Եւ այսպիսի մեծապքանչ հրաշիւք և չքնադադեղ

Ճոխութեամբ գայր հասանէր յաշ-
խարհս հայոց , բերելով ընդ ին-
քեան զգիրս հաւատոյ զեզեալն 'ի
մեծէ ժողովոյն . և մատուցանէր
հօրն իւրում սրբոյն Գրիգորի և
մեծի Թագաւորին Տրգաափոսի .
որք մեծաւ ուրախութեամբ ընկա-
լեալ բերկրէին , և յաւելուին 'ի
նոյն ըստ սկառառի , խնդրելով 'ի
տեառնէ՝ զի 'ի նոյնն հաստատ կաց-
ցեն մեռացեն իւրեանց վիճակեալ
ժողովուրդս :

Սա կացեալ զինի հօր իւրոյ մե-
ծին Գրիգորի յաթոռ հայրապե-
տութեանն ամս եւթն , բարւոյք վե-
րակացութեամբ և ճշմարիտ վար-
դապետութեամբ յանգիմանելով
զչարսն . և որպէս ասացաւ՝ յԱրքե-
պոսէ ամբարիշտ բռնաւորէ վասն
սաստկագին յանգիմանութեանն՝
սրով զմահ ընկալեալ , հասանէր
խնդութեամբ առ Քրիստոս , առ
որ անձկացեալն էր 'ի մանկութե-
նէ . ասելով , Տէր ոչ զոք սիրեցաք
յաշխարհի , բայց միայն զքեզ . և
Թէ , Թողաք զամենայն և եկաք

զկնի քո, և զբանն քո պահեցաք
Ճշմարտապէս . տուր մեզ զողոր-
մութիւն քո . այսպէս վճարեաց
զկեանս սուրբ հովիւն մեր . սուգ
մեծ թողեալ վիճակելոց իւրոց .
որոց վասն աղօթէ միշտ առ տէր
ասելով . Զգործս ձեռաց քոց մի
անտես առներ :

Իսկ զկնի սորին երանելին վեր-
թանէս հարազատ եղբայր սորա .
ոչ միայն ըստ մարմնոյ, այլ և ըստ
հոգւոյ եւս՝ առաքինութեան նո-
րին գտլով համեմատ, բազմադիմի
պատուով պանծացեալ . որ և ուզ-
ղափառ վարդապետութեամբ զճշ-
մարտութիւն միշտ քարոզելով,
հաստատէր եւս կրկին անգամ
իւրով յօժարական երկամբք զա-
թոռն թագաւորական, բարեպաշ-
տութեամբ և ուղղափառ հաւա-
տով զարդարեալ . կայսերական
պատուով պանծացեալ, և ի պա-
տիւ սրբութեան շքեղացեալ . յա-
ռաջագէմ յամենայն գործս բա-
րութեան, արիագոյն ի վաստակս
առաքինութեան : Զբարեմիտան

յորդորելով 'ի գործս ըստ իւրիս, և
 զարան յանգիմանելով բանիւն
 ճշմարտութեան. արգարեւ քանոն
 հաւատոյ և չափ աստուածաշատու-
 թեան և հիմնագրութեան յամե-
 նայնի ճանաչէր. 'ի մարմնի միշտ
 կենդանի վկայ Քրիստոսի. սպա-
 նանելով զանգամն զերկրաւորս
 ըստ առաքելոյն բանի: Անմարմնա-
 բար ճգնութեամբ, ճշմարիտ քա-
 ղաքավարութեամբ, սւղիղ վարդա-
 պետութեամբ և բարւոք վերակա-
 ցութեամբ՝ զանձն օրինակ տալով
 բազմաց և նպատակ բարեաց զկնի
 եկելոց, ըզձալի մարգկան և հաճոյ
 Աստուծոյ:

Յաւելեալ 'ի հարս հայրապետն,
 'ի քահանայս քահանայապետն, 'ի
 հովիւս հովիւն քաջ, որ զանձն իւր
 միշտ եղեալ էր 'ի վերայ հօտին, 'ի
 ճգնաւորս անմարմնաբար ճգնեալն.
 'ի վկայս՝ հանապազօր մեռեալն աշ-
 խարհի. որոյ աշխարհ 'ի խաչ ե-
 լեալ էր՝ և ինքն աշխարհի: Ի մար-
 տիրոսս՝ միշտ մարտուցեալն 'ի վե-
 րայ պատուիրանացն Աստուծոյ. 'ի

ՆԵՐԲ. ՅՈՐԴԻՍ ԼՈՒՍ. 2

Նահատակս՝ հանապազօր նահատակեալն ըստ հաճոյիցն Աստուծոյ . 'ի մենամարտս՝ բարւոք մարտուցեալն ըստ օրինի տեսաւն . 'ի սիրելիսն Աստուծոյ՝ միշտ անձկացեալն առ նա սիրով . որ միշտ փափագէր զեւանեւն 'ի մարմնոյ աստի և զլինեւն առ Աստուած . որ հանապազ գոչէր ընդ մեծին Դաւթի բաղձալի սիրով, Ե՛րբ եկից երեւեցայց երեսացդ Աստուծոյ : Ապագոյն հրաժեշտ խընդրելով յախտալի կենացս ցանկալին վերնոց , և մեզ յոյս բարեաց առ Աստուած և պարծանս առ մարմնակից մարդիկ . որ և բարեխօսէ միշտ առ տէր վասն հօտի իւրոյ աստ մնացելոյ :

Այլ և շառաւել սորին սրբութեան մեծայոյսն և յուսոյ ժառանգն . որ յոլովագոյն յուսով յուսայր 'ի յոյսն առատապարգեւ . յուսով կարդալով զանուն Աստուծոյ զյոյսն ամենեցուն յօգնականութիւն յուսացելոց 'ի յոյսն բարի , ճշմարիտ քահանայապետն Յոյսն յորջորջեալ . փոխանորդն

հօրն աթոռոյն , և նախանձտւոր նռ-
րին առաքինութեան : Նաեւ զնա-
խանձ տեառն յանձին կրելով հան-
գոյն մեծին Եղեայի . 'ի վերայ պատ-
ռւիրանացն Աստուծոյ նահատա-
կեալ նման մեծին Յովհաննու մը-
կըրտչի : Վարէժինգիր փառաց փրկե-
ցին մերոյ Քրիստոսի , որդւոյն Աս-
տուծոյ վկա : Ճշմարտութեամբ .
հովիւ հոգեւոր՝ հօտին Քրիստոսի ,
արգարեւ տեառն նմանեալ , զանձն
գնելով 'ի վերայ ոչխարաց , գորո-
վագութ սիրով հոգայր մեծապէս
վասն փրկութեան հօտին իւրոյ .
գթածաբար գոչէր առ բարեգութն
և ողորմածն Աստուած , Մի մերժեր
զմեզ յողորմութենէ քուամէ . մի
ցրեր զուխտս քո . մի 'ի բացէ առ-
նէր զողորմութիւնս քո 'ի մէնջ . մի
մատներ զմեզ իսպառ վասն ա-
նուանգ քում սրբոյ . այլ զերծո
զմեզ յորոգայթէ որսողին վասն
Գրիգորի սիրելւոյ քո , և վասն
Ռաաակիսի ընտրելւոյ քո , և Վըր-
թանիսի սրբոյ քո . յիշեա տէր ըզ-
Գրիգոր և զամենայն հեղութիւն

Նորա . որպէս երդուաւ տեառն և
 ուխտս եդ Աստուծոյ իւրոյ , թէ
 ոչ ելից 'ի խորութեան վերապէս և
 'ի միջոյ թունաւոր գազանացս . թէ
 տաց քուն աչաց , կամ նինջ արտե-
 ւանաց . թէ տեսից զլոյս արեւու ,
 մինչեւ զաւետիս ընկալայց փրկու-
 թեան ազգիս այսորիկ . թէ բեր-
 ւրեցայց սրտիւ , մինչեւ գտից զտե-
 վի արկանել հիմն տաճարի տեառն
 'ի դաւառիս յայսմիկ : Եւ արդ տէր ,
 յիշեա զուխտ վառտակաւորին քո .
 և զնեղելոց անձանց պաղատանս մի
 անտես առներ . տուր փառս ա-
 նուան քում որ փառաւորեալդ ես
 յաւիտեան : Անձինք նեղեալք և հո-
 գիք ձանձրացեալք յանօրինաց յա-
 րուցելոց 'ի վերայ մեր , աղաղա-
 կեմք առ քեզ Քրիստոս փրկիչ մեր .
 լուր ձայնի աղօթից յուսացելոցս 'ի
 քեզ . և փրկեա զմեզ 'ի հալածչաց
 մերոց . զի քեզ փառս վերառա-
 քեսցուք ընդ հօր և հոգւոյդ սրբոյ :

Այսպիսի գորովագութ սիրով ա-
 ղօթէր քաջ հովուապետն մեր և արի
 երջանիկ ծնօղն ըստ հոգւոյ երա-

նեղին Յուսիկ 'ի վերայ հասին իւ-
 րոյ . այսպիսի արտօնարագոչ պաղա-
 տանս մատուցանէր տա Աստուած
 վասն բանաւոր խաշանց իւրոց .
 այսպիսի սիրալիր գթով գոչէր առ
 տէր վասն արագահաս օգնականու-
 թեան , շարժելով 'ի գութ զայն որ
 ոչ երբէք գագարէ 'ի գթալոյ : Եւ
 այսպիսի թախծեալ սրաիւ հեղոյր
 զանձն առաջի տեառն . և յորգա-
 ռատ արտասուօք ոռոգէր զերեսս
 երկրի . որ և այսպիսի աղօթիւք սա-
 տակէր զանօրէնն Յուսիանոս զան-
 մտութեամբ յարուցեալն 'ի վե-
 րայ եկեղեցւոյ սրբոյ : Եւ ինքն որ
 ըստ օրինակի տեառն զամենեցուն
 կամէր կեալն և 'ի գիտութիւն ճշ-
 մարտութեան զգալ , փութանակի
 հասանէր առ թագաւորն , թերեւտ
 կարասցէ շահել զփրկութիւն ո-
 գւոյ նորա : Եւ անգ 'ի ձեռն ա-
 ռեալ զխրատ վարդապետութեան
 իւրոյ , բազում ջանիւ հնարէր գար-
 ձուցանել զնա յապարասան բա-
 րուցն զոր ստացեալն էր . յուշ
 առնելով նմա զտեառն մարգասի .

րութիւնն և զերախտիս նախնեացն
 և զջանո Վաստակոց նոցին . Ով թա-
 գաւոր , ասելով , ընդէր անմտանաս
 'ի քրէական մեղս յանդգնելով . ե-
 կեղեցի գնեալ է պատուական ա-
 րեամբն Քրիստոսի , և քարինք սո-
 րա շաղախեալ են 'ի կայլակահոս աղ-
 բերէ կողից նորա . և շինուած յար-
 կի սորա առաքելովք և մարգա-
 րէիւք հիմնացեալ է . հայրապետաց
 և վկայից կատարմամբ աւարտեալ
 է . հրեշտակաց բնակարան և մարդ-
 կան քաւարան խոստովանեալ է .
 աթոռ աստուածութեանն 'ի սա-
 կառուցեալ է . զնորածնեալսն՝ որ-
 դիս Աստուծոյ առնէ . զամուսնա-
 ցեալսն՝ ողջախոհութեամբ զարդա-
 րէ . զննջեցեալսն հաղորդս առնէ
 տեառն արքայութեան : Հիմ առ-
 նես զսա տեղի և բնակարան դիւաց .
 զիմորդ զտաճար Աստուծոյ՝ բա-
 գինս կռոց . ո՞րպէս զյարկս փրկու-
 թեան՝ տեղի կորստեան . ընդէր ըզ-
 տուն սրբութեան՝ վայրս պղծու-
 թեան . զլինչ օգտեցան այնոքիկ որք
 այդպէս անմտացան . ո՞ւր են թագա-

և որքն առաջինք շարագոյնքն և ա-
 պարասանք, որք պաշտօնեայք էին
 գիւաց. ոչ ապաքէն որպէս զԾուխ
 պակասեցան, և իբրեւ զփոշի զոր
 տարաւ մրրիկ. և երանի՜ թէ այս-
 չափ միայն. այլ կան և մեան լուց-
 կիք յաւիտենական ասնջանացն: Ես
 զքեզ կամիմ զի ընդ երկրաւոր թա-
 գաւորութեանդ՝ և զերկնիցն ժա-
 ռանգեսցես զարքայութիւն. և ընդ
 անցաւոր փառացս՝ զանանցն առ-
 ցես փառս: Յիշեա զվէման հաւա-
 տոյ զՏրդատիոս և զԳրիգորիոս,
 զհաւն իմ և զհաւն քո. ուստի կըր-
 կին կոփեցայք ըստ մարմնոյ և ըստ
 հոգւոյ. նոքա զգիւտձոյլ պատ-
 կերան խորտակէին, և զմեհեանան
 քանգէին, և ՚ի անզիսն եկեղեցիս
 հիմնարկէին: Եւ գու զտաճար Աս-
 տուծոյ բնակարան գիւաց առնես
 և տեղի կռոց պատրաստես: Եւ ո-
 ղում տանջանաց չիցես արժանի.
 կամ ո՞ր գեհեն զքեզ ոչ այրեսցէ.
 վասն զի կրկին է ապարասանու-
 թիւնդ. ուրացութեամբ և ՚ի սըր-
 բութիւնսն մեղանչես. զի թէ ՚ի

վայրաքնակ տեղիս կռապաշտելն
կորուստ է անձին , ապա զոր նե-
րումն թողութեան ունիցի որ առ
սեղանովն Աստուծոյ զպատկերս
դիւաց գնիցէ . քանզի զինչ հա-
ղորդութիւն է լուսոյ ընդ խաւա-
րի . կամ զինչ նմանութիւն է տա-
ճարի Աստուծոյ ընդ մեհենեաց :
Վասն որոյ նպաստաւորութիւն մա-
տուցանեմ քեզ զգուշանալ 'ի չար
յամառութենէդ . զի մի եկեսցէ 'ի
վերայ քո բարկութիւն տեառն . զի
թէ Բաղտասար արքայ բաբելացւոց՝
որ զսպասս սրբութեան յանարժան
տեղիս մատուցանէր՝ չարաչար սա-
տակեցաւ , ապա առաւելեւս քեզ
լիցի կորնչիլ , որ զգարչելիսն 'ի սըր-
բութիւնսն մերձեցուցանես . վասն
որոյ աղերսիւ հայցեմ և փոխան ա-
ղաչեմ ով թագաւոր , մի փութար
'ի քոյին կորուստ : Մի զերկրաւոր
թագաւորի պատկերդ յարգոյ հա-
մարեսցիս քան զպատկերդ երկնա-
ւորին . յիշեա զի գրեալ է , Ի պատ-
կեր իւր արար Աստուած զմարդն :
Մի փոխանակեր զմահկանացուդ

ընդ անմահին , զառօրեայդ ընդ
մշանջենաւորին . զի այդմ պատ-
կերի նախագաղափարն վազվազակի
չարաչար ըստ արժանւոյն կորնչելոց
է . իսկ ոգւոյդ քո կայ և մնայ
յաւիտենական պատրաստեալ զա-
թառ իւր 'ի գառաստան , առ 'ի
մշանջենաւոր գատել զայնպիսին :
Վասն որոյ , ով թագաւոր , զարթիր
'ի թմբրութենէդ որ ոչ է 'ի քնոյ .
սթափեաց յարբեցութենէդ որ ոչ
է 'ի գինւոյ , այլ վայի արժանի .
հիւանդ ես հոգւով , մի զանմահ
մահն մեռանիր . կիսագօտ ես առ
այժմ , մի բնաւ ապականիր . եկ 'ի
զըջումն փութապէս . ամբարձյեր
կինս զաչս քո , նայեաց 'ի բարձունս
առ սէր Նստուած քո : Յիշեա
զարարիչն որ սանձ զքեզ յոչնչէ ,
որ եհան զքեզ յարգանդէ . որ
կերակրեաց զքեզ 'ի մանկութենէ .
որ փչեաց 'ի քեզ զչունչդ . որ ետ
քեզ զարքայութիւնդ . որ խոստա-
ցաւ քեզ զհանգերձեալն եթէ պա-
հեացես զպատուիրանս . որ իշխա-
նութիւն ունի կենաց և մահու քո .

յիշեա զչնորհս աւազանին որով
 լուսաւորեցար . յիշեա զանուագ
 սրբոյ եկեղեցւոյ որով դաստիարա-
 կեցար . յիշեա զհալորդութիւն
 մարմնոյ և արեան տեառն որով
 քաւեցար . յիշեա զնշանն տէրու-
 նական որով կնքեցար յաւուրն
 փրկութեան . որով և պահպանեալ
 եղեր . որով և փրկութիւն գտեր .
 յիշեա զմիւսանգամ գալուստն յոր-
 ժամ ծագի նշան փրկչին 'ի յարե-
 ւելից պայծառ քան զարեգակն .
 յիշեա և զգնիլ աթոռոցն , զահեղ
 գատաստանն , զիւրաքանչիւր գոր-
 ծոց հատուցումն , յորժամ Հայր և
 Որդի և Հոգին սուրբ բազմին յա-
 թոռ փառաց . և զօրք հրեշտակաց
 յերկնից յերկիր հեղուն . մինչ զի
 թափուր լինել երկնից 'ի բնակչաց :
 Որպիսի՜ լինիցի ատեանն այն . յոր-
 ժամ բանքն սպառին և գործքն
 թագաւորեն . յորժամ իւրաքան-
 չիւր ումիք յանցանք հրապարա-
 կայայտ լինին , և զարհուրեալ դո-
 ղան տարրեղէն արարածքս : Անդ
 զայս ամենայն քեզ յուշ արարից ,

յորժամ զղջացիս և ոչ օգտեսցիս .
հաճաչեսցես և ոչ հասանես . խըն-
դրես և ոչ գտանես . զի կոչէի և ոչ
լուար . յերկարէի զբանս և ոչ տն-
սացեր . վասն որոյ այժմ՝ լուր ,
մինչդեռ ժամանակս 'ի ձեռս է .
մինչդեռ գոյ յոյս փրկութեան և
ժամանակ ապաշխարութեան :

Անկիր առաջի տեսաւն արտա-
սուգք և ազաչեա զերեսս նորա ա-
պաշխարութեամբ . առա , Մեղայ
տեսաւն , որպէս Դաւիթ . և լուիցես
սպասասխանի , եթէ՝ Եթող տէր
զյանցանս քո . արտասուեա ընդ
Պետրոսի և ընկալցիս վերստին ըզ-
շնորհս . ընդ Պաւղոսի յուշ արտ
ղոնգիտութիւնդ . ընդ մաքսաւորին
քաւութիւն խնդրեա . ընդ աւա-
ղակին գոչեա մեծաձայն , Յիշեա
զիս տէր յարքայութեան քում . և
լուիցես ժառանգել զգրախտն տա-
տուածատունկ : Երօրինակ բազմաց
միղուցելոց և վստահութիւն յու-
սահաանելոց . որք 'ի քոյդ նայելով
'ի դարձ , գայցեն 'ի զլուսն ապաշ-
խարութեան և յուսացին Թողս .

Թիւն գտանել . գոչեա ընդ Մանա-
սէի , Չեմ արժանի հայիլ 'ի բարձ-
րութիւնս երկնից 'ի բազմութենէ
անօրէնութեան իմոյ . վասն զի կան-
գնեցի պատկեր և բազմացուցի ըզ-
ցասումն անձին իմոյ . և զայլս որ 'ի
կարգին . որով հանգիպեսցիս փրո-
կութեան . ահա ծանուցի քեզ
զամենայն ճշմարտապէս որով ա-
պրեսցիս :

Եւ յորժամ ամենայն բանքս այ-
սոքիկ ոչ ազգէին 'ի միտս Թագա-
ւորին , այլ կարծրացուցանէր ըզ-
սիրտ իւր իբրեւ զսալս դարբնաց .
և խնոյր զականջսն որպէս իժի և
քարբի չարութոյն դաղանացն . և
ոչ սայր տեղի Թովգին ճարտարի ,
առնուլ գեղ 'ի գեղատուէն իմաստ-
նոյ . յայնժամ զմարգարէականն 'ի
կիրարկանէր զհրաման մեծին Դաւ-
թի երանելի սուրբ հայրապետն
Յուսիկ . զորոյ զանունն ասել
քաղցր է 'ի լսելիսն իմ զօրէն պա-
տուիրանի տեառն առաւել քան ըզ-
քաղցրութի մեղու 'ի քիմս ճաշակո-
ղաց ըստ հոգերգողին . և զնչ գոր-

Ծէր երջանիկն 'ի հովուապետս .
 զսաստ բարկութեանն 'ի ձեռին տ.
 ռեալ իբրեւ զնեցուկս . երկաթե.
 զէնս . և զպատկեր պոռնկին իբ.
 րեւ զանօթս կաւագործաց խոր.
 տակէր , և տոփելով 'ի վերայ ո.
 տամբ՝ բարբառէր . Աստուածք որ
 զերկինս և զերկիր ոչ արարին՝ կո.
 րիցեն 'ի ներքոյ երկնից . զի կուռք
 հեթանոսաց գեւք են . և զի ետ
 տէր հրաման 'ի վերայ իժի և քարրի
 գնալ և կոխել զամենայն զօրու.
 թիւնս թշնամւոյն : Եւ այսպէս ա.
 ռաթուր հարեալ զգունեալ գար.
 շուծիւնն , ընդ ոտիւք արկանէր
 զիմանալին Դողիադ . զժողովուրդ
 իւր ամբողջ սլահելով յաներեւոյթ
 այլազգեաց : Եւ վանեալ մեծաւ
 յաղթութեամբ զվիթխարի վիշապն
 ահագին . զոր օրինակ մեծն Դանիէլ
 զքարշելին զայն 'ի Բարեւոյնի . կամ
 իբրեւ զԴադոնն զայն 'ի ձեռն սըր.
 բութեան տապանակին առ քանա.
 նացիսն : Ընդ որ ցասուցեալ թա.
 գաւորին , զամենայն թոյնս գառ.
 նութեան իւրոյ թափէր 'ի նա փու.

Թանակի . անօթ եղեալ սատանայի ,
 զկամս նորա կատարելով յօժարու-
 թեամբ : Եւ հրամայէր ձաղկել զնա
 ուժգին . ոչ միայն ըստ Պաւլոսի
 քառասուն միով պակաս , այլ մին-
 չեւ յոգիս , զի զրաւեսցի 'ի կենաց .
 որպէս և եղեւն իսկ : Տոփանաւ
 հարեալ հանգոյն եղբօր տեառն
 Յակովբայ . որոյ և փառացն հա-
 զորդ գտեալ 'ի Քրիստոս . ո՛վ ան-
 մտութեան զինուորացն . ո՛վ չա-
 րին սպասաւորացն . ո՛վ արքանե-
 կաց բանսարկուին : Յորժամ բար-
 կանայր Սաւուղ 'ի վերայ քահա-
 նայիցն և հրամայէր կոտորել զնո-
 սա վասն կերակրելոյն զ'Իսաիթ ,
 ոչ առին յանձն սպասաւորքն . այլ
 հրաժարէին ամենեքեան ասելով ,
 Ոչ միեսցուք զձեռս մեր յօժեալ
 տեառն . մինչեւ Դովեկ ասորի պա-
 տահէր նոցա հրամանաւ Սաւու-
 ղայ . և յորժամ յանդիմանէր Պաւ-
 ղոս զքահանայապետն Անանիա
 վասն հրամայելոյն հարկանել ըզ-
 բերան նորա , և սպասաւորացն ա-
 սացեալ՝ զքահանայապետ Աստու-

ծոյ հայհոյես , ասէր . Ոչ գիտէի
 եղբարք եթէ իցէ քահանայապետ .
 Թէպէտ և գիտէր իսկ . յայտ առ-
 նելով . Թէ պատկառել պարտ է յո-
 ծուԹեան շնորհէն . նա և տէրն մեր
 և Աստուած՝ յորժամ ածեալ լի-
 նէր յատեան անաստուածիցն և
 հարցեալ յանօրէն քահանայիցն և
 համարձակուԹեամբ տռնէր զպա-
 տասխանին , ապտակեալ լինէր 'ի
 չարին սպասաւորէն և 'ի չար հա-
 տուցանողէն ընդ բարւոյ կեցուցչին
 իւրոյ . որ և ասէրն իսկ . Ա՛յդպէս
 տաս պատասխանի քահանայապե-
 տիդ . և այսպէս ամենայն ուրեք
 պատկառէին 'ի պատուոյն : Իսկ սո-
 քա միայն երեւէին լիրբք և յան-
 գուգն , ոչ ունելով զերկեւզն Աս-
 տուծոյ և ոչ պատկառելով 'ի շնոր-
 հէ քահանայուԹեանն . այլ զցան-
 կուԹիւնն սատանայի կատարէին
 անմատուԹեամբ 'ի կորուստ անձանց .
 զի նա մարգասպան է 'ի սկզբանէ
 ըստ հրամանի փրկչին մերոյ : Ա-
 ւա՛ղ անմատուԹեան ազգիս մերոյ .
 քանի՜ լուսաւորիչս խաւարեցուցին .

որչափ աստուածաբան բերանս խը-
ցին . քանի՜ սիւնս եկեղեցւոյ տապա-
լեցին . զԱրիստակէս սրախողխող
արարին , զԱրթուռնէս հեռահալած
առնելով . զՅուսիկն ողորածեծ
վճարելով՝ի կենաց . զմեծն Ներսէս
գեղակուր կորուսին . զսուրբն Սա-
հակ՝ի մեծաղս առաքեցին . որք իբ-
րեւ ճրագունք վառեցան Հայոց ազ-
գիս . և մեք առ ժամանակ մի կամե-
ցաք ցնծալ՝ի լոյս նոցա : Եւ սոքա
այսպիսի օրինակաւ վճարեցին զայս
կեանս :

Իսկ մանուկն Գրիգորիս , եղբայր
Յուսկանն երէց քան զնոյն , գեղա-
ղէշ գիմօք և բարձր հասակաւ ,
հնգետասանամեայ կոչեցեալ յե-
պիսկոպոսութի Աղուանից աշխար-
հին . ծերունական հանճարով և
սրբասէր վարուք՝ զմեծին Գրիգորի
բերելով յինքեան զնմանութիւն ,
հետիոտս ընթացեալ զերկայնաձիգ
ճանապարհն ըստ օրինակի փրկչին
մերոյ Յիսուսի , ճշմարտապէս ա-
նօթ ընտրութեան գտեալ փա-
ռացն Աստուծոյ ըստ երանելոյն

Պաւլոսի . կրեալ զանոն արարչին
 տաալի խուժագութ ազգաց և ժո-
 ղովորոց՝ քարոզութեամբ բանին
 կենաց : Արիաբար 'ի մարտ մտեալ
 ընդգէմ բանութն բանսարկուն .
 բոլորապտուղ զինքն մատուցանե-
 լով պատարագ ընգսւնելի 'ի հոտ
 անուշից տեառն՝ այսպէս և ըստ
 այոմ օրինակի . զի յորժամ եհաս
 յաշխարհն յայն և յանգիման եղեւ
 թագաւորին նոցա , զճշմարիտ վար-
 գապետութիւնն 'ի կիր արկաներ .
 և ջերմեռանգն սիրով քարոզէր նո-
 ցա զաւետարանն Քրիստոսի : Եւ
 զի նոքա յառաջ էին հաւատացեալ
 քարոզութեամբ Եսայիքելոցն և գար-
 ձեալ վերստին 'ի նոյն մոլորութիւն
 էին խոտորեալ , վասն որոյ զյեզ-
 յեղուկ և զգիւրափոփոխ բարս օր-
 պէս գործ էին ստացեալ , և յելու-
 զակ արշաւանաց էին պարասպալ .
 վասն որոյ թէպէտ զառաջինն ըն-
 գունէին զքան վարգապետութեան
 երանելոյ հայրապետին , բայց յոր-
 ժամ տեսին թէ հատանել կամի
 զյոյս աշխարհի նոցա , առաւելա-
 ներբ . ՅՈՐԴԻՍ ԼՈՒՍ . 3

պէս 'ի նախանձ դրդէին : Եւ զի
 քարոզէր նոցա մանուկն Գրիգորիս
 ասելով, Ով մարդիկ, գարձարուք
 առ տէր Աստուած ձեր և ծանե-
 րուք զարարիչն ձեր և զհաստիչ, և
 մի յընդունայնութիւն ծախէք ըզ-
 շնորհս բանականութեան ձերոյ և
 զհանճար իմաստութեան, հաւա-
 սարելով անասնոց անմտից, որք
 ոչ ճանաչեն զարարիչն իւրեանց.
 այլ գիտասջիք զի ձեր տէր գոյյե-
 րինս. որ կարողն է կերակրել զա-
 մենեան բանիւ զօրութե իւրոյ.
 որ կեցուցանէ միշտ զկորուսեալն
 ըստ հաճոյից կամաց իւրոց. և ըզ-
 հրամանէ նորա կախեալ կսոն ամե-
 նայն եղական բնութիւնք. որ ասէ
 արեգական և ոչ ծագէ. և զանձրեւ
 'ի հուր փոխարկէ. որ թուէ զբազ-
 մութիւն աստեղաց, և զամենե-
 սեան զնոսա յանուանէ կոչէ : Եւ
 'ի բռին ունի զշունչ ամենայն կեն-
 դանեաց. որ բանայ և ոչ ոք է որ
 փակէ. և փակէ, և ոչ ոք է որ
 լանայ. որ առնէ զհրաշակերտս և
 զմեծամեծս որոց ոչ գոյ թիւ. որ

փակեաց զծով տւազով. և զթան-
 ձրութիւն հոծ և կարծրագոյն խը-
 ճողեալ երկրի՝ ի վերայ հասանուա
 և լոյծ բնութեան ջուրց հաստա-
 տեաց. և որպէս կամի փոփոխէ զա-
 մենայն անհնարինս ի հնարաւորու-
 թիւն: Եւ արդ որդեակք, լուարուք
 և ի միտ տուէք զհրաման պատուի-
 րանի տեսուն. որպէս զի բարի լի-
 նիցի ձեզ, և սզորմութիւն գտջիք
 ի մարգասիրութենէն ի գէպ ժա-
 մանակի:

Զայս և առաւել քան զսոյն
 քարոզէր և ուսուցանէր երջա-
 նիկ հովուապետն Գրիգորիս ի
 մէջ բազմամբոխ ժողովրդեանն այ-
 նորիկ, յորդորելով զնոսա ի հա-
 ւատս, և վարժելով ի գիտութիւն
 ճշմարտութեան. որք թէպէտ և
 զառաջինն տեղի տուեալ ունկնդիր
 լինէին քարոզութեան սրբոյ տունն
 Աստուծոյ, բայց յետոյ հրապոյրս
 պղաորս և գառնացուցիչս արբեալ
 սաստկապէս զարժանին վայի մա-
 տուցողաց և ընդունողաց, և կարծ-
 րացուցեալ զսիրտս իւրեանց որպէս

զՓարաւոնին և զնմանեաց նորին , և
 զչարեալ չարացն այնոցիկ 'ի չարա-
 գոյն հօրէն չարութեան , չարապէս
 չարչարանօք զչարչարանս սրբոյն
 հնարէին . կատարելով զկամս չա-
 րութոյն վիշապին , արքանեկին իւ-
 րեանց չարութեանն , որ հրապու-
 ըէր զնսա յայնպիսի չարութիւն ,
 Եւ զն'նչ տռնէին . նորահնար իմն
 չարի գտակ եղեալ . զի հանդիսաւոր
 և հռչակելի չարութիւն գործեա-
 ցեն : Եւ գտեալ 'ի դէպ չարին խոր-
 հըրդոց , որով յագեցուցեն զախտ
 սրտմտութեանն , զվայրենի ամե-
 հութիւն քառաքեաց երիվարաց .
 որով ստորաքարչ ընթադրութեամբ
 զկեանս սրբոյն սպառէին , յածե-
 ցուցանելով ընդ լայնանիստ մեծու-
 թիւն դաշտին . զի իմամով մանրա-
 մասնաբար երկարութեամբ գղեսցի
 մատաղ մարմին սուրբ հովուապե-
 տին . յորոյ կարմրագոյն արեանն
 հեղմանէ՝ անբուսածին քարինք
 ծաղկէին , և թանձրագոյն հողն ու-
 ռոգանէր , կանաչագեղ բոյսքն ծի-
 րանեգոյն ներկանէին , և խռուա-

ցեալն գալարանայր : Եւ մեծ քահանայապետն և երջանիկն յամենայնի՝ արգարեւ նմանեալ տեառն իւրոյ մեծի հովուապետին , ազութելով ժտան հօտին իւրոյ փրկութեան , ոչ միայն ոչ համարեալ ի մեղս զյանգգնութիւնն ազերսէր . այլ և ողորմութիւն գտանել ի տեառնէ հայցէր : Եւ այնչափ ջերմաւանգն սիրով զգութ գործոյ հաստատուն ունէր , մինչ զի ի ստորաբարշ ընթացրութեանն ոչ լինէր կասեցեալ յայսպիսի խնդրոյս . այլ մինչեւ յեւանել շնչոյն զնոյնս ազութէր . որոյ ոչ լինէր անպտուղ մաղթանք աղօթից սուրբ հովուապետին . այլ ի յանկ ելեալ արապէս կատարիւր խնդիր հայցուածոց նորին . զի մահուամբն իւրով և կամաւոր չարչարանօքն շահէր զփրկութիւնն նոցա . և հաստատէին ի հաւատս ճշմարիտս : Եւ յառնէր յազգէ նոցա Թագաւոր բարեպաշտն և երկիւղած յԱստուծոյ . և ի խնդիր ելեալ մեծաւ յուսով նշխարաց սրբոյ քահանայապետին , գտա-

նէր 'ի գեւղն Ամարաս . մեծասքանչ
հանդիսիւ տօնախմբելով զյիշատակ
նորա ցնծութեամբ ամ յամէ 'ի
փառս Աստուծոյ :

Եւ արդ սոքա չորեքին շառա-
ւեղք մեծի հօրն հաւատոյ սրբոյն
Գրիգորի Լուսաւորչին մերոյ , սե-
րեալք սերտութեամբ 'ի նմանէն
աիրապէս ոչ միայն ըստ մարմնոյ ,
այլ և հոգեւոր շնորհացն գոլով սը-
տուղք գովելի երկամբք . սիրողք
սրբութեան և քարոզք ճշմարիտ
որդւոյն Աստուծոյ . յիւրաքանչիւր
ժամանակս պայծառացեալք պան-
ծալի փառօք . առաքեալք առաքո-
ղին , և սիրեցեալք 'ի ճշմարիտ սի-
րոյն . քահանայք պատուեալք
քաղցրուսոյց վարդապետութեամբ .
արեգակունք կողմանցս արեւու , և
լուսատուք 'ի խաւարի նստելոցս .
ցնծութիւնք տրամեցելոց , և ժողո-
վողք ցրուեալ հօտից . նարդոսք ա-
նուշաբուրիչք , և քրքումք քաղ-
ցրատեսիլք . տիեզերաց ծաղիկք ,
և աշխարհի խնդութիւն . պար-
ծանք քրիստոնէութեան , և պսակք

եկեղեցւոյ . Ժողովոցք խաղաղու-
թեան , և հաշտեցուցիչք արարչին
ընդ արարածո . օծեալք շնորհօք
հոգւոյն որդոյ , և փոխանորդք ճշ-
մարիտ օծելոյն . լուսաբաշխ աջով
օծանելով զամենեանս յիւրաքան-
չիւր աշտիճանս , քանոնք հաւատոյ
և բարձրացուցիչք եկեղեցւոյ . վար-
դապետք ազայացելոց , և գաստիա-
րակք զարգացելոց . ոմանց կաթն
ջամբելով 'ի Գրիստոս , և ոմանց
հաստատուն կերակուր ըստ Պաւ-
ղոսի . պարիսպք չըջապատ եկե-
ղեցւոյն Գրիստոսի , և աշտարակք
ամրութեան հաւատոյ . 'ի յերկրի
խորանակիցք մարդկան , և 'ի յեր-
կինս գասակիցք հրեշտակաց . նա-
ւաստիք ճշմարտութեան , և նաւա-
հանգիստք ալեկոծելոց : Ամուք հա-
ւատոյ և պարծանք հաւատացելոց .
և արդ զլի՛նչ եւս ասացից . զի ակա-
րանայ բանս առ 'ի ներբողել զսո-
սս . ամենայնք յամենայնի , և ընդ
ամենայնի ամենայնք եղեալք զամե-
նեանս ընելով . տունկք տենչալիք
տանս թորգոմեան , և բարունակք

Ծաղկեալք յայգւոջ սրբութեան ,
այսինքն է յեկեղեցի Քրիստոսի .
բողբոջեալք բարի արդասիւք 'ի
զանազան ծաղկանց հաւաքումն .
յօրինեալ պսակք վայելուչ՝ մեծա-
սլաօիւ փառացն Յիսուսի :

Արիստակէս և Արթանէս , Յու-
սիկ և Գրիգորիս , քառակի թուով
պանծացեալք հանգոյն չորից տա-
րերց 'ի լիութիւն լրման աշխարհի .
լիացուցիչք լուսով լիապէս . յե-
գեմաբուղի աղբերէն յառաջեալք
ըստ քառառաջ վտակացն յարձակ
ման , առ 'ի զովացումն ծարաւելոց
քառանկիւնի աշխարհի լրման .
սիւնք ամրութեան յԱստուած
խարսխեալք , միշտ յօգտութիւն
հաւատացելոց . չորեքդիմեան կառք
իմանալիք ըստ հրաշալի տեսեանն
Եզեկիէլի . աթոռք փառաց որդւոյն
Աստուծոյ . բարձողք լծոյ բարձրե-
լոյն շնորհի , յորս հանգչի Աս-
տուածն ամենի . փառաւորեալն
ընդ Հօր և Հոգւոյն : Ընդ սոսա և
մեծն Դանիէլ դասակցեալ՝ երա-
նելին և երջանիկն 'ի հարս . որպէս

ասի՝ աշտկերա եղեալ յառաջա-
գոյն Լուսաւորցին մերոյ սրբոյն
Գրիգորի, և յերկարեալ մինչեւ 'ի
խորին ծերութիւն. ասորի գոլով
ազգաւ, 'ի զառական ցեղս որոշե-
լով. բայց համեմատ գոլով սրբոցս,
'ի սրբութեան վարո հաւատարեալ.
որ և յանապատի բնակելով հան-
գոյն մեծին Յովհաննոս և Եղիայի,
և այնչափ առաքինասէր վարուք հա-
ճոյացեալ Լստուծոյ՝ և մեծագոյն
շնորհի արժանացեալ յարարչէն.
մինչ զի մեծաութանչ հրաշք և զար-
մանալիք կատարէին 'ի ձեռս նորա
'ի շնորհացն Լստուծոյ. որ զի թէ
հարկ հասանէր 'ի ձմերայնի ընդ
լեռնային վայրս Ճանապարհոր-
գել. կամ վերանայր թանձրու-
թիւն ձեանն 'ի Ճանապարհէն, և
կամ յափշտակեալ լինէր մարմնով
'ի տեղին յոր և կամէր գնալ սուրբ
ծերունին:

Եւ արդ 'ի ժամանակին յայն-
միկ յորում սուրբն Յուսիկ նահա-
տակեալ լինէր ձաղկմամբ 'ի Տիրա-
նայ թագաւորէն հայոց ողորածեծ

առնելով զնա, և 'ի կենդանեացա՝
 փոխէր յաշխարհն կենդանի՝ արիա-
 կան վկայն Քրիստոսի, և սուրբն
 Դանիէլ յայսմ ժամանակի կեն-
 դանի գոլով յանապատի, և վասն
 հռչակելի առաքինութեանն՝ ա-
 ծեալ լինէր 'ի Թագաւորն, զի կա-
 ցուցեն զնա յաթոռ հայրապե-
 տութեանն Հայոց՝ փոխանակ սրբ-
 քոյ Յովսէփանն : Եւ խստագոյնս յան-
 դիմանեալ զԹագաւորն և զսպա-
 սաւորսն ծերունին սուրբ, 'ի յուշ
 ածելով նոցա զապարասանութեան
 գործս իւրեանց . վասն որոյ յա-
 ւելեալ 'ի չարիս Թագաւորն զեւս
 անմտութիւնն, խեղդամահ առնէր
 զերանելին, ոչ պատկառելով 'ի
 հրեշտակական վարուցն և 'ի պատ-
 կառելի դիմացն . զի Թէ Ընդ փայտ
 դալար զայն առնելին ընդ չորն զլինչ
 լինէր . այսինքն՝ եթէ ընդ սուրբն
 Յովսէփ որ շառաւիղ գոլով սրբոյ
 Լուսաւորչին մերոյ և քահանայա-
 պետ փոխանորդ յաթոռ նորա, այն-
 պիսի հարուածք անցուցանէին, ա-
 պա 'ի սուրբն Դանիէլ, որ ոչ տղ-

գային գուղձ ըստ մարմնոյ և ոչ յաթոռ սրբութեան բարձրացեալ՝ զինորդ խնայէին : Ողբացէք ծառք տնտաւի և ծաղիկք գաշտի զանմտութիւն ազգիս մերոյ, եւս տաւել զթագաւորաց մերոց անզգամութիւն : Վասն որոյ տայր զվրէժն, անձամբ վճարեալ զպարսոց չարեացն յառտիսս ընդ մեծագոյն յամառութեանն : Վասն զի կուրացեալ լինէր 'ի Պարսից արքայէն, առհաւատչեայ անտի տանջանացն զաստիս ընկալեալ պատուհաս : Զի է՝ սրաց աստ ներէ Աստուած և անդ տանջէ զչարս, և է՝ զորս աստ և անդ տանջէ, զի մի կարճամիտքն թերասցին :

Եւ արդ հնգեքին սոքա միաբանեալք 'ի միասին տօնախմբութեամբս, հնգից զգայութեանց մերոց լինին մաքրութիւն, և բարեխօսք միշտ առ Աստուած վասն տնոզացս զյիշատակ սոցա : Զի տօնասիրութիւն տօնասիրաց՝ առանց չարչարանաց և նահատակութեան պատկակից առնէ սրբոց

զտօնողս իւրեանց սիրով յուսով և
 հաւատով : Եւ արդ, դուք ինձ, ով
 աստուածային գլուխք՝ ոչ մի կամ
 երկու, այլ հնգեքին 'ի միասին
 պատուեալք . զսակաւ հիւսուածս
 բանիս յազքատիմաց մտացս և յան-
 արժան անձնէ՝ սիրով ընկալարուք .
 թէպէտ և ոչ ըստ ամէնարժեայ
 մեծութեան ձերոյ, այլ 'ի մէնջ
 ըստ կարողութեան հատուցեալ .
 և հատուսջիք մեզ յանուառ աղ-
 բերացդ ըստ մեծութեան շնորհի
 ձերոյ զառատ ողորմութիւն . զի
 յայժմ առաւել ունիք համարձա-
 կութիւն բարեխօսել առ որում
 մերձ էք Աստուծոյ, քան յորժամ
 'ի մարմնի տաղաւարէիք : Այլ և
 խնդրեսջիք յամէնողորմ տեառնէն
 աշխարհի զխողաղութիւն, և եկե-
 ղեցւոյ սրբոյ զհաստատութիւն, և
 մանկանց նորին զմաքրութի և զսի-
 րոյ կապակցութիւն, վերակացուաց
 բանաւոր հօսից զմիաբանութիւն և
 զուղիղ քարոզութիւն . ժողովրդոց
 զհաւանութիւն և զանդորրութիւն .
 և մեք խրախացեալք 'ի հոգեւոր սե-

զանոյ ձերոյ , փառաւորեացոսք ըզ-
 չայր և զՍրգի և զՀոգին սուրբ ,
 այժմ և միշտ և յաւիտեանս յա-
 վիտենից . ամէն :



ԳԱՏԾՈՒԹԻՒՆ

ՎԱՐՈՒՑ ԵՒ ՆԱՀԱՏԱԿՈՒԹԵԱՆՑ

ԵՐԶԱՆԻԿ ՀԱՅՐԱԳԵՏԱՑՆ

ԱՐԻՍՏԱԿԻՍԻ, ՎՐԹԱՆԻՍԻ

ՅՈՒՍԿԱՆՆ ,

ԳՐԻԳՈՐԻՍԻ , ՈՐԴԻՈՑ ԵՒ ԹՈՌԱՆՑ

ՍՐԹՈՑՆ ԳՐԻԳՈՐԻ



ԱՄԵՆԱԳՈՒԹՅՈՒՆ Աստուած որ ա-
սաց 'ի խաւարի լոյս ծագել, որ և
ծագեաց Ճշմարտապէս իսկ 'ի սիր-
տըս մեր 'ի ձեռն երանեալ նահա-
տակին սրբոյն Գրիգորի, որք նըս-
տէաք 'ի խաւարի և 'ի ստուերս
մահու, և ծագեաց այսպէս: Արդ-
յեւթն և 'ի տասներորդ ամի ար-
քայութեանն Տրդատայ՝ նստաւ
յաթոռ որբոց առաքելոցն Բար-
թողումէոսի և Թագէոսի, սրբու-
թեանցն գտեալ քահանայադոր-
ծող, և ծնող մեր ըստ աւետարանին
և նախահայր աստանօր արտագրե-
լով: Յետ այսորիկ ապա գնացեալ
եւս ընդ արքային Տրդատայ յաս-
տուածակարգ կայսրն Կոստանդիա-
նոս բազմօք իմն և նազելի և
վայելուչ մեծարանօք պատուէ ըզ-
սուրբ հայրապետն իբրեւ զկենդա-

նի մարտիրոս սուաջի անկանելով,
 և աղօթս նուիրականս և օրհնու-
 թիւնս 'ի նմանէն հայցելով, և այս-
 սէս զնա պատուասիրեալ, և Տըր-
 դատաւ հանդերձ հանեալ յոսկիա-
 պատ կառս, մեծաւ շքեղութեամբ
 յուղարկէ զճանապարհայն :

Զայսու ժամանակաւ յայտնեալ
 լինէր Արիոս Աղէքսանդրացի, որ
 դաւաճանեալ 'ի դիւէ անտի, ոչ
 գուշակէր զՈրդի 'ի բնութենէ Հօր,
 և ոչ հաւասար նմա և ոչ յառաջ
 քան զյաւիտեանս 'ի Հօրէ ծնեալ,
 այլ արարած, և յետ ժամանակի
 գոյացեալ: Վասն այսորիկ իսկա-
 պէս ժողով եպիսկոպոսաց լինի 'ի
 հրամանէ Կոստանդնուս 'ի Նիկիա
 Բիւթանացւոց, ընդ որս և մերն
 Առիստակէս կոչեցաւ. և անդ հարք
 երեքհարեւր ութեւտասն ըստ Հոգ-
 ւոյն սրբոյ տուչութեան քսկեալ
 զազանգն Արիոսի՝ նշովեալ մերժեն
 զնա 'ի հաղորդութենէ եկեղեցւոյ:
 Իսկ նորա զարժանի ամբարշտու-
 թեանն կրեալ հատուցումն, և
 խառն ընդ գարշելիսն 'ի վայր ըզ-
 փորոտին վայթեալ սատակէր:

Իսկ ապա մերն Առիստակէս գար-
 ձեալ գայր, բերելով ընդ իւր զար-
 ժանընկալ քսան կանոնեալ գլու-
 իլըս ժողովոյն. ընդ որ յաւեա
 խրախ լեալ Գրիգորի, յաւելոյր
 այլ եւս գլուխս 'ի նոյն' 'ի զգուշու-
 թիւն վիճակելոց իւրոց: Բայց յոր-
 մէ հետէ եկն Առիստակէս 'ի ժողո-
 վոյն Նիկիայ, այլ ոչ եւս յաւել
 երեւել սուրբն Գրիգորիոս վինչեւ
 ցվախճան իւր. այլ երթայր բնա-
 կեր լուսնայն 'ի Մանեայ յայրան,
 ըստ գրեցելումն թէ Ի նաւահան-
 գիսս փութայ նաւ խառվեալ, և
 անձն ժուժկալի' խնգրէ զանապատ:
 Իսկ ապա լուսաւորութեանս մերոյ
 նահապետի սրբոյն Գրիգորի և ա-
 ռաքելական տթոռոյն նախաշաւիղ
 ճանապարհի, յիսկզբանց անտի
 կալոյ յաթոռ հայրապետութեանն
 վինչեւ ցայնվայր, յորում ոչ եւս
 յաւել ումիք երեւել, թուին ամբ
 երեսուն:

Իսկ սուրբն Առիստակէս ժառանգ-
 հայրենի տթոռոյն, ամենայն իրօք
 զհետ երթայր սուրբ և արգար վառ
 ՆԵՐԲ. ՅՈՐԴԻՍ ԼՈՒՍ. 4

տակոց , ջանացեալ քրիստոսադիր
կիտիւ նուաճել զհօտ իւր 'ի կամս
Քրիստոսի , զոմանս հաւանողակա-
նաւ , իսկ զոմանս բռնաւորականով
կարգով ջանայր պահել յակաստա-
նի , և իբրեւ զսուր ինչ յազգեր միշտ
ունելով զհոգւոյն շարժմունս ,
յանդիմանէր զորս գտանէր 'ի
չար գործս հակառակ հոգւոյն .
ընդ որոց ապա և Արքեղայոս ոմն
կուսակալ Ծովագ աշխարհին , կըշ-
տամբեալ 'ի նմանէն սակս չար գոր-
ծոց իւրոց , ըստ դիպաց իմն 'ի ճա-
նապարհի ուրեմն յաշխարհին Ծո-
ւիաց ժպրհեալ , ոխերիմ մօօք
սպանանէ զսուրբն սրով փախըս-
տեայ ինքն գնացեալ յարեւմուտս
Տաւրոսի . զոր ապա բարձեալ ըզ-
նշխարեալ մարմինն նորուն աշա-
կերտացն տարեալ հանգուցին յԵ-
կեղեաց գաւառն , 'ի Թիլն աւանի ,
կացեալ յաթող հայրապետու-
թեանն ամս եւթն : Ոչ Թաղումն
Թերեւս զնորայն վարկեալ իմ , այլ
փոխումն յայսմ աշխարհէ յաշ-
խարհն կենդանեաց , ուր ոչ լսի

համբաւ մահու , այլ մշտնջենա-
ղուարձ ուրախութիւն :

Իսկ զկնի սորա անգրանիկ եղ-
բայր սորուն Վլթանէս յաջորդէ
զաթոռ սորուն , որպէս և հաճոյ
թուեցաւ հոգւոյն սրբոյ : Բայց
հոգեւոր ճառագայթն մեր սուրբն
Գրիգորիոս ամն բազումն կացեալ
յայրս Մանեայ վախճանի , անգի-
տաբար իմն թաղեալ 'ի հովուաց'
իբրեւ գտեալ զնա 'ի կարգ իմն ազ-
քատաց : Իսկ զկնի բազում ամաց
գտանէ զսուրբ մարմինն նորա Գառ-
նուկ ոմն ճգնաւոր աստուածային
իմն գոգցես տուչութեամբ . և տա-
րեալ գնէ 'ի գեւղն Թորգան , յիւր
իսկ զքօսանաց պարտիզկանն : Զկնի
ամաց ինչ ապա և սուրբն Տրդատ ար-
քայ յանհամբուրիցն բարոյ և յան-
հրնազանգից ճշմարտութեն խաբ-
դաւանեալ խորամանկութեամբ և
տուեալ նմա արբուցումն մահու .
զոր տարեալ հանգուցանեն զմար-
մինն նորա 'ի նմին աւանի 'ի նոյն
պարտիզկան , մերձ եղեալ 'ի քնա-
րանս սրբոյն Գրիգորի . որ համե-

մատ ընդ նմա իսկ զամենեւեան ար-
տորոշէր 'ի ճանապարհաց չարաց
վերակացու երկրորդ լեալ լուսա-
ւորութեանս մերոյ :

Իսկ մեծն Վրթանէս, մինչդեռ
էր նա 'ի Տարոն գաւառի, 'ի մատ-
րան Յովհաննու մկրտչի և Աթանա-
գինեայ վկայի, մահ սպառնացեալ
լինէր նմա 'ի ծածուկ իմն 'ի բնակ-
չաց Սիմ լերին, ուրք վասն ապի-
րատ և անազգահ չար գործոց միշտ
յանդիմանեալ առ 'ի նմանէն լի-
նէին: Իսկ նորա զգացեալ ապա, և
տեղի տուեալ չարին, գնայ փախըս-
տեայ 'ի գաւառն Եկեղեաց, անդ-
կալեալ իւր կայեան բնակութեան:
Իսկ յետ մահուան սրբոյն Տրդա-
տայ անօրէնն Սանատրուկ երկրորդ
ազգաւ յԱրշակունի տանէ, զոր
կացուցեալ էր նահապետ Տրդատայ
'ի Փայտակարան քաղաքի, և յետ
մահուան նորա ասլտամբութեամբ
բազմաւ թագ իւր կապեալ. ըստ
ամբարիշտ հրամանի նորա բարբա-
րոս հիւսիւսական արգքն այնոքիկ
զսքանչելի մանուկն Գրիգորիոս,

զոր եպիսկոպոս Աղուանից կացուցեալ էին 'ի տոհմէ արքայն Գրիգորի՝ սպանանեն ձեռնարոխտ ընթացրու. Թեամբ 'ի վատնեան գաշտին, և տարեալ հանգուցանեն զսուրբ մարմին նորա 'ի գեւղն Ամարաս՝ որ 'ի փոքր Սիւնիո:

Յետ այսորիկ տպա մեծն վլբր. Թանէս չոգաւ գնաց առ կայսրն Կոստանդինոս որդի Կոստանդիանոսի, ըզձականրտու Թեամբ առ 'ի նմանէն հայցեալ Թագաւորեցուցանել Հայաստանեայց զխոսրով փոխանակ հօր իւրոյ Տրդատայ, զի Տիրեսցէ մեզ, տսէ, քրիստոսակարգ տէրու Թիւնգ ձեր, և մի լիցի մեզ տիրել Պարսից անաստուածից. զոր և ոգջախոհաբար ընկալեալ զսուրբ այրն, և կտտարեալ և զինգիրն, կացուցանէ Թագաւոր Հայաստանեայց զխոսրով: Իսկ յետ մահուն խոսրովայ մեծն վլբր. Թանէս առեալ ընդ իւր զՏիրան որդի խոսրովայ, չուէ գնայ առ կայսրն Կոստանդինոս Թագաւորեցուցանել զնա փոխանակ հօր իւր

րոյ : Իսկ կայսրն ապա ըստ առաջին նուագին բաղմապատիկ պատուով զնա մեծարեալ և առձեռն պատրաստ զհայցուածսն կատարեալ, առաքէ 'ի հայս պայծառապէս զՏիրան թագաւոր պսակեալ, որ եկեալաիրէր հայրենի տէրութեանն : Իսկ ապա անօթն ընտրութեան և խորհրդածուն խորոցն Աստուծոյ և առաքելական աւանդիցն քարոզ մեծն Վրթանէս լցեալ զկէտ կենացս փոխի յայսմ աշխարհէ յաշխարհն կենդանեաց, կալեալ զաթոռ հայրապետութեանն ամս հընգեասան, և տարեալ հանգուցանեն զնա ընդ հարս իւր 'ի գեւղն Թորդան :

Եւ յաջորդէ զաթոռ նորա Յուսիկ որդի նորուն, որ հետեւող հարցն առաքինութեան գտեալ հանդիսանայր միշտ 'ի բոլոր բարեկարգութիւնս : Բայց յետ հրաժարմանն Կոստանգեայ, Յուլիանոս անօրէն թագաւորեալ 'ի հռովմ, և հպարտացեալ 'ի վերայ գիտութեն Աստուծոյ, և կռամոլ գտեալ ու-

րանայր զՔրիստոս , և յարուցանէր
 հալածանս եկեղեցւոյ : Ապա պա-
 տանգս 'ի մերն Տիրանայ առեալ ,
 կամակատար իւր զնա կացուցանէր .
 և ապա զպատկերն իւր նկարա-
 կերտ , որ ըստ գիւաց պատկերից էր
 պաճուճեալ , հրամայէ Տիրանայ
 կանգնել յեկեղեցւոջ իւրում , և
 վասն զի առ վտանգի երկեւզին՝ իւ-
 րովի Տիրան տարեալ զպատկերն
 կանգնէր յեկեղեցւոջ իւրում 'ի
 Ծոփս գաւառի : Վասն այսորիկ
 գիմեալ 'ի տեղին սուրբն Յուսիկ ,
 հոգեւոր վարդապետութեամբ աը-
 րոհել զնա 'ի չար մտածութենէն
 հնարէր : Իսկ իբրեւ խնոյր լսելիք
 առ 'ի չսել , յափշտակեալ ապա
 զպատկերն 'ի ձեռաց նորա , և ըն-
 կեցեալ յերկիր , և արովեալ ո-
 տիւք 'ի վերայ խորտակէր . ընդ որ
 և 'ի չարութիւն իսկ Տիրանայ բոր-
 բոքեալ , հրամայէ հարկանել զնա
 վարոցօք , մինչեւ անգէն աւանդէ
 զողին : Իսկ ծերունին Դանիէլ
 վասն այնպիսի չար անզգամութեան
 անխժաղուր զարքայն արարեալ ,

հրամայեաց ապա և զնա եւս խեղ-
դամահ առնել . զոր տարեալ հան-
գուցանեն զնա 'ի Հացեաց վանս :
Իսկ զմարմին սրբոյ Յուսկանն տա-
րեալ դնեն ընդ հարս իւր 'ի գեւղն
Թորդան , որ եկաց 'ի հայրապետու-
թեան անգ ամս վեց :

Բայց վասն զի որդիք սրբոյն Յուս-
կան Պապն և Աթանազիոնէան , ըստ
որում խաւարեցուցինն իսկ զսիրտս
իւրեանց անմտութեամբ , ըստ նմին
և զսարսափելի մահ անձանց նիւ-
թեցին . զի հրացայտ ցումունք 'ի
վերայ հասեալ սատակէր զերկոսին
'ի միում տեղւոջ : Մանկիկ մի փոք-
րիկ Ներսէս անուն միայն թողլով
իւր որդի Աթանազիոնէան , որ յայն-
ժամ էր 'ի վարժս ուսման 'ի Կե-
սարիա . և ապա վասն ոչ գտանելոյ
այր յազգէ սրբոյն Գրիգորի , ըն-
տրեցին զոմն Փառնեբսէհ անուն
յԱշտիշատէ , և կացուցին զնա յա-
թու հայրապետութեանն . սա ոչ
աւելի քան զերեք ամս տեւեալ
վախճանի :

ደ ቴ ኔ በ ዶ ቶ ረ ሀ ኄ

ԳԱՏՄՈՒԹԻՒՆ

ԶԵՆՈՎԲԱՅ ԵՊԻՍԿՈՊՈՍԻ

ԶՈՐ ԱՐԱՐԵԱՎ, Է ՎԱՄՆ

Ա Ն Տ Ո Ն Ի

ԵՒ

Կ Ր Օ Ն Ի Դ Ե Ա Յ

ԵՒ ԾԵԼՈՑ ՃԳՆԱՒՈՐԱԾՆ



ԱՐԴ իբրեւ եղեւ ելանել արդոյն
Գրիգորի Լուսաւորչին մերոյ 'ի խոր
վիրապէն, և զայնոսիկ որ գիւադ-
նեալքն էին՝ հանգերձ Թագաւո-
րաւն բժշկեաց և դարձոյց յառ-
տուածպաշտութիւն լուսաւորվար
գապեաութեամբն իւրով, և 'ի
հրամանէ Աստուծոյ ձեռնադրեցաւ
'ի սրբոյն Ղեւոնդէ մեծէ, և հի-
մարկեաց զեկեղեցին զոր իմ աւե-

լի անուանա 'ի վերայ եդի՝ Գլխակայ վանք . եթող անդ պաշտօնեայս եկեղեցւոյն զԱնտոն և զԿրօնիգէս միայնակեացսն , զորս 'ի Կեսարիայէ ածեալ էր ընդ իւր . և զաշակերտն նոցա զԵպիփան հայր հաստատեաց . և եթող 'ի տեղւոջն կրօնաւորս քառասուն և չորս . և երկոտասան դաս տակերտս եկեղեցւոյն 'ի ծառայութիւն կարգեաց : Եւ ինքն գրեաց թուղթ առ Ղեւոնդ հայրապետն Կեսարիոյ , այսպէս .

Զառ 'ի յաստուածուստ պատուեալ և 'ի մարդկանէ փառաւորեալ տեառն և աստուածարեալ հայրապետիգ Ղեւոնդեայ Մեգաղու Կեսարեայ հոյակապ քաղաքի , որ 'ի ձերոյ սրբոյ ձեռնադրութենէդ և 'ի մեր փանաքիմացութեանցս առաջին թուղթ ողջունիւ և սրբութեամբ հասցէ . որով միշտ զխաղաղութիւն պարգեւեացէ նախ ձերում փառաւորութեանդ և ապա բոլոր տիեղերաց :

Յոյժ գոհանամք զԱստուծոյ որ
հայրախնամ ողորմութեամբն իւ-
րով գթացաւ յազգս մարդկան իջ-
մամբ Որդւոյն իւրոյ միածնի, որ
զամենայն ազնիս հրաւիրեաց յեր-
կնային քաղաքն 'ի ձեռն առաքե-
լական քարոզութեանն. յորմէ և
այս աշխարհի կարի առաւել մասն
պարծտեաց եհաս. զի երկոյքեան
ամուլքն աստ կատարեցան ըստ բաժ-
նի Հոգւոյն սրբոյ. որ թէպէտ և
առ նոքոք վերջացան 'ի ճշմարտու-
թենէն, սակայն ողորմութիւնն Աս-
տուծոյ գթացեալ և առ մեր նուազ
տութիւնս, 'ի մերում ժամանակի
կամեցաւ և գործեաց զպքանչելիան,
զոր գու իսկ լսւար 'ի մէնջ և
ծանեար: Մանաւանդ կրկին իսկ
գոհութիւն Աստուծոյ մատուցա-
նեմք, առաւել և ձեզ օրհնութիւն,
զի զգանձն կենաց աննախանձ շնոր-
հեցէք աշխարհիս հայոց, զմիջնոր-
դին Աստուծոյ և մարդկան զսրբոյ
կարապետին Յովհաննու զնշխարսն,
որով ցնծաց աշխարհս հայոց սորա

գալստեամբս , որպէս Յորդանան
 Քրիստոսի գալստեամբն : Եւ զայն
 գիտութեան աղագաւ ձեզ ծանու-
 ցանեմք . զի որպէս Քրիստոսի իջ-
 մամբն 'ի ջուրն՝ մահ կորեալ . սոյն-
 պէս և աստ 'ի սորա գալստեանս ,
 զի դժոխոց դրունք բնաւ փակե-
 ցան : Զի է սա աստ յերկրիս
 Հայոց 'ի յերրորդ աւարտին լե-
 րինն՝ որ կոչի Տորոս , և հատեալ
 անցանէ մինչեւ 'ի դուռն Պահլաւ
 Պարսից . և թռնովաւ բնակին եր-
 կիրն Մամիկոնէից բազում վայե-
 լուչտեղօք և առատատու պիտոյիւք .
 որ և որջացեալ էր մահ յերկուս
 տեղիս . ուստի և հրամանաւ Հոգ-
 ւոյն ձեռն 'ի գործ արկեալ՝ կործա-
 նեցի զպատկերսն սատանայի , և ե-
 դի 'ի մատենի անխախտելի զնշխարս
 սրբոց վկայիցն , որ և այժմ պա-
 տուեալ երկրպագի : Իսկ զերկուս
 կենդանի վկայսն Քրիստոսի զոր
 դու յղեցեր ընդ իս զԱնտոն և ըզ-
 Կրօնիդէս թողի 'ի տեղին ուր Գի-
 սանէսն կործանեցաւ . զոր տեղի
 Իննականեան նոր կոչեն : Որոց կէտ

եղեալ զվարս իւրեանց յաշխարհի ,
 զի խաչեալ իսկ են ընդ մարմինս իւ-
 րեանց ընդ Քրիստոսի և արգ մնան
 վասն բազմաց փրկութեան . զորս
 իբրեւ զանգիւտ մարգարիտս համա-
 րիմ զնոսա տուեալ ինձ : Բայց
 վասն մտերմական սիրոյդ զոր ունիս
 ընդ իս , ազաչեմ զի զմիւս այլ ըն-
 ծայն շնորհեսցես . զի հունձք բա-
 զում հասեալ են 'ի Քրիստոս ,
 բայց զքեզ իբրեւ զճշմարիտ տէր
 մշակաց , զի հանցես մշակս 'ի հունձս
 յայսոսիկ : Յորոց մինն 'ի քաջ մշա-
 կաց զոր ես խնդրեմ 'ի քէն՝ Եղիա-
 զարոս՝ Նիւսարիացւոց եպիսկոպոսն՝
 որ է եղբայր Զենորայ եպիսկոպո-
 սի , զոր ընդ իս ածեալ ձեռնագրե-
 ցի երկրիս Մամիկոնէից : Արդ և
 զգա յղեսցես հանգերձ այլ մշակօք
 մանկաւոյք . մանաւանդ թէ զՏի-
 մոթէոս Ադոնացւոց եպիսկոպոս
 յղեսցես , զոր գու իսկ գովէիր
 զհմտութիւն գարութեանն , որ
 յոյժ պիտանի է երկրիս այսմիկ . ո-
 րով օգնութիւն գտեալ 'ի քէն ա-
 ղութից և խնդրուածոց , ուստի յա-

բաժամ ճգնութեամբ՝ բազմաց օրինակ գողով դաստիարակելով շնորհիւն տեառն : Ողջ լիցիս վասն բազմաց փրկութեան 'ի տէր և մերոյ բարեխօսութեան յապառնին և 'ի ներկայս :



**ՊԱՅՄԱՆՈՒՆԻ ԳԱՅԾԱՆԱԻՌԻ ԳՐԱԾ
ՍՐԲԱՅՆ ԳՐԻԳՈՐԻ, ԶՈՐ ՅԶԵՆՑ ԿԵ-
ՍԱՐՈՒ ՀԱՅՐԱԳԵՅՆ Ի ԺԱՄ ՎԵՒ-
ՃԱՆԻՆ**

**Երջանիկ և սաստռածարեալ
տեստեղ եղբօր և արուակցիդ**

Եհաս առ մեզ գիր ուրախարար,
և յոյժ անթերի ուրախութեամբ
լցեալ կազգուրեաց զվշտագնեալ
անձն իմ. որ թէպէտ և 'ի տրամու-
թեան էի վասն իրիս հասելոյ, սա-
կայն շարժեաց զմերս գանգազու-
թիւն ձեր գոհութեան նամակդ.
զոր եւս առաւել գոհութիւն մա-
տուցանեմք Աստուծոյ ըստ գրեցե-
լոյդ 'ի քէն. որ ոչ անտես արար
զձեզ յիւրմէ սքանչելի ողորմու-
թենէն. որք բազում ժամանակս
մոլորեալք ընթացան ընդ խաւար
կռապաշտութեան՝ 'ի ճանապար-
հէ երկնային պողոտային. 'ի գէպ
ԶԵՆՈՐ.

եկեալ նոցա մարգարէութեանն
բան, թէ խողովուրդ որ նստէիք 'ի
խաւարի անգիտութեան՝ տեսէք
զլոյս մեծ: Զի թէպէտ և վաղ ծա-
գեաց արեգակնն արդարութեան,
սակայն ազգ քո իբրեւ 'ի մէջ գի-
շերի շօշափէին զորմ կռապաշտու-
թեան. յորս հայեցեալ Աստուած
էջ 'ի փրկել 'ի ձեռաց անմարմին
Փարաւովնէ, կրկին մովսէսեան գա-
ղափար զքեզ տուեալ դոցա յտա՛-
տուածակոյս կողմանն. և դու ըն-
տրեցար դոցա 'ի տեղի սուրբ առա-
քելոցն Բարդղղոմէոսի և Թագէո-
սի. յիշեա զնոցա նահատակու-
թիւնն և մի երբէք վերջանար 'ի
շաւղաց նոցա, զոր ետ քեզ տէր 'ի
շինել և ոչ 'ի քակել. և չիք ինչ
պատճառ. զի և մուտ սրբոյ Կարա-
պետիս սկիզբն է շինութեան: Բայց
աղաչեմ մի մոռանար և զիմ երախ-
տիքդ զոր արարի ձեզ. զի և ես
օրհնութեան գտայց արժանացեալ:
Եւ զտեղիսն Խննակնեան՝ զոր ո-
մանք Բարեբուխ կոչեն՝ կացո կրօ-
նաւորք և վանք շինեա ըստ օրինակի

այսց կրօնաւորացս զոր տեսեր 'ի մեր աշխարհիս . և 'ի սրբոյն Անտոնի տաւաւել ուսցիս զվարս ճգնութե , որ ոչ ինչ պակաս է 'ի հրեշտակաց : Եւ զԵպիփան աշակերտք Անտոնի հաւանեցուցի գալ առ ձեզ , ունելով ընդ իւր արս քառասուն ճրգնաւորս և խարազնազգեստս , պարկեշտք 'ի վարս և հրաժարեալք յաշխարհէս . զոր առեալ կացուցես զԵպիփան հայր վանացք Զենովբայ : Դրոշմնաջիր արձան յաւիտենից , զի մի ոք 'ի զաստակերտս կամ 'ի գեղաքաղաքս զօրէն Աղեքսանդրացւոցն գործեսցէ , շինելով իւրաքանչիւր ումիք խրճիթս շուրջ ըզտէրունեան տաճարաւն , և առանձինն բնակել ազալեմ մի տար հրաման , այլ ժողովել 'ի մի տեղ հարիւր արանց չափ . և որոշեսցես նոցա գաստակերտս և աւանս , որպէս զի պէտք վանացն 'ի նոցանէ վճարեսցին , և ինքեանք միայն ազօթից և ճգնութե պարապեսցին : Խրատես և զիշխանս լինել ազքատաւերս և ողորմածս : Իսկ զշինուածս

ՆԵՐԲՈՂԵԱՆ

ՅՈՐԴԻՍ ԵՒ Ի ԹՈՌՈՒՆՍ

ՍՐԲՈՅ ԼՈՒՍԱԽՈՐԶԻՆ



Ի ՎԵՆԵՏԻԿ

Ի Տպարանի Մխիթարեանց

Ռ Ե Գ — 1854

**Bayrische
Staatsbibliothek
MÜNCHEN**

ԲԱՂԱՅՆՔ սրտի իմոյ բորբոքի ,
և տկարութիւն անձին իմոյ նահան-
ջեալ կասեցուցանէ 'ի յօժարութե-
նէս . յոյսն առ Աստուած ստիպէ ,
և սէր սրբոցն փութացուցանէ .
բայց անարժանութիւն իմ ոչ տայ
համարձակել . վարանեալ գոմ
յերկոցունց , և տարակուսեալ 'ի
մէջ ծփանաց . երկնչիմ 'ի մեծու-
թենէ իրիս , և զարհուրիմ 'ի հեղ-
գութեանցն սպառնալեաց . փու-
թամ յուսով և սիրով 'ի դաշնա-
կումն բանիս , և հրաժարեմ 'ի
պատկառելի պատուոյս : Մեծ է
սէր քան զամենայն . և գովելի
գտանի երկեւղ յորժամ ոչ լինի
ընդ տանջանօք . բազում են պատ-
ճառք լռութեան , և յոլով կաս-
կածանք արդելման . նուազեալ է

Ժամանակ , և յամաքեալ սէր բազմաց :

Վասն որոյ ոչ քննչ խափանուամն եպերանաց տեօանի 'ի յանդգնելոցն յաչաղութեամբ ընդդէմ այնոցիկ , որք 'ի հոգս իրաց հանդիսանան . այլ որ անօրինելոցն է՝ անօրինեացի . և որ բարկանալոցն է՝ բարկասցի կարճմտութեամբ և նախանձու զինեալ վշտով . զի տէր ճանաչէ զխորհուրդս մարդկան յիւրաքանչիւր միտս որոշեալս և զանազանեալս . որ քննէ զսիրտս և զերկամուսնս : Այլ ինձ բանս յառաջեցի , և սուրբքն պատուեցին գովութեամբ , և Աստուած փառաւորեացի :

Եւ զի քահանայական է տօնս , քահանայից և խրախութիւնս . համազգեաց ինդութիւնս , հովուապետաց հանդէսս . վասն որոյ մանաւանդ պատուելի է 'ի մէնջ . զի մերազնեայք գոն կոչնատէրքս . և առաւել երախտաւորք հովիւքս սուրբք . հարք հոգեւորք , ծնողք բարեփառք . առաջնորդք յաջողակք .

նաւաստիք խմաստունք , հանգիստ-
դիրք նորահրաշք . արբանեակք
երանաւէտք՝ բազմագիմի երկամբք
ծնանելով , և մեծագոյն սիրովն սը-
նուցանելով զորդիտցելոցս անձինս ,
հաստատելով վերստին 'ի յոյան
կենդանի :

Եւ արդ զինչ հատուցուք փո-
խարէնս երախտեաց հարցդ հոգե-
ւորաց . կամ զորպիով տրիտուրս
տացուք ընդ մեծագոյն վաստակոց
աշխատելոցն 'ի մշակութիւնս հո-
գեւոր գործոց . զի թէ զամենայն
սուրբս պատուել պատուէր ընկա-
լաք , որչափ եւս առաւել զհա-
մազգի առաջնորդս մեր և զծնօղս
զմեզ հոգեւոր շնորհիւ . զի թէ
յընտանիս հաւատոյ հրաման առաք
գլխաւ , և զակն ոչ դարձուցանել 'ի
զաւակէ ազգատոհմի ըստ գրեցե-
լումն , ապա քանի՛ եւս հարց մերոց
հոգեւորաց պարտիմք շնորհակա-
լուք լինիլ տօնասիրութեամբ գլխա-
ծաբար , զի մի դատիցիմք ընդ ապե-
րախտիցն և ընդ անշնորհակալու բա-
րեկրելոցն : Զի ոչ կարելն 'ի գոր-

Ծառնութի ըստ արժանոյն՝ ի ակա-
րութենէ ասացաւ լինել անձին . իսկ
ոչ կամեն ձեռնամուխ լինել ըստ
բաւականին , յանհաւատութենէ
ստուգեալ եղեւ . այլ հաւատով և
սիրով յօժարելն՝ հաճոյ է Աստու-
ծոյ և սրբոց իւրոց . և թէ այս այս-
պէս է հաւաստի՝ արպէս և է իսկ ,
ապա բարիոք է , քան ի քուն թան-
ձրութեան խորդալ ծուլութեամբ ,
աշխատասիրութեամբ յօժարամիա լի-
նել ի գործ . և ըստ այսմ՝ սարասի
ձեռնամուխ լինիմք յիրս . թէպէտ
և կասեալ գտանիմք յարժանւոյն .
զի քան զոր տայ Աստուած՝ առա-
ւել ոչ պահանջէ . և ոչ սուրբքն
եպերեն զըստ կարողութեան հան-
գիսացեալն . այլ սիրով հաճու-
թեան ընդունին և վարձս հատու-
ցանեն :

Եւ արդ որովհետեւ զպատ-
ճառսն ի բաց մտքրեցաք զպատճա-
ռասիրաց , եկայք այժմ սիրելիք՝
մտաց աչք յառեցուք ի հանգէս
սրբոցն . և դիտեսցուք որչափ և է
կարողութիւն՝ զերանելեացն զմե-

ծովթիւն շնորհին . Թերեւս կարաս-
ցուք փոքր 'ի շատէ ընծայարեր լի-
նել սրբոցն . զի կոչնատէրք մեզ ա-
ւուրս հանգիսի և պատճառք ժո-
ղովոյս՝ ոչ մի դք կամ երկուք 'ի
հարց բարեփառաց , այլ յոլովից
վերհից և պատուեցելոց անձինք .
հովուաց և հովուապետաց հաւա-
քումն . քահանայապետից քահա-
նայացելոց , և պատուով ճօխացե-
լոց մեծութեամբ . Արիստակէս և
Վրթանէս , Յուսիկ և Գրիգորիս .
ընդ որս և մեծն Դանիէլ սքանչելի
երեւեալ , յայլամեռ ցեղէ՝ բարի
արդասիւք առ այսոսիկ միացեալ ,
Եւ սոքա երանելիքս զորոց լիշա-
տակս տօնախմբեմք , յառատա-
բուղի աղբերէն յառաջեալք , ան-
ճառելի վտակաց բղիմամբ՝ զծարա-
ւի անդս մտաց մերոց ուռգեալք
յաստուածային հոսմանցն վտա-
կաց : Տունկք տենչալիք 'ի մեծա-
գոյն բուրաստանէն բողբոջեալք .
բարունակք բեղնաւորք 'ի հայրա-
կան որթոյն ուռ շառաւիղեալք .
ծաղիկք ծիրանափառք , 'ի ծովայ .

ին ծոցոյ ծաղկոցէն ընձիւղեալք .
 պտուղք գեղեցիկք 'ի բարիոք ար-
 մատոյն բարւոք բոլորեալք , քաղ-
 ցրահամք և վայելչազարդք . ցան-
 կալիք և քստմենելիք . արեանահուգ՝
 հօրն արփիածագ . պերճացեալք
 պատուով վեհագոյն . թագակա-
 ուոյցք և թագաւորազունք . բանի-
 բունք և բերկրահամբոյրք . քա-
 ղոզք պատուիրանին ճշմարտութեւ ,
 և քաջամարտիկք 'ի պատերազմի
 ընդդէմ այսոցն չարութեան . խօ-
 սեալք առաջի թագաւորաց ըզ-
 վկայութիւն տեառն ամենայն հա-
 մարձակութեամբ , և նահատա-
 կեալք ճշմարտաբարոզ վարդապե-
 տութեամբ . քահանայական շնոր-
 հիւ պսակեալք , մարտիրոսական
 հանգիսիւ պայծառացեալք , վկայա-
 կան անուն ժառանգեալք , 'ի գանձ
 տեառ , յաւելեալք , և յարքայու-
 թիւնն երկնից փայլականաման ե-
 րեւեալք . գաստկիցք գասուց ան-
 մարմնոց , և փառաբանիչք փառաց
 բարձրելոյն : Արիստակէս մեծ քա-
 հանայապետ , մեծափառ հօրն փո-

խանորդ . ըստ գրեցելուսն՝ Փոխա-
նակ հարց եղիցին որդիք . ոչ միայն
Ժառանգ հայրենի պատուոյն , այլ
և սրբութեամբ վարուց՝ հօրն հա-
ւասարորդ դաեալ . մանաւանդ թէ
և կուսութեամբ առաւելեալ եւս
քան զնոյն . սուսեր հոգեւոր երե-
ւեալ ճշմարտապէս բանիւ վարդա-
պետութեան . անակնառու յան-
դիմանութեամբ՝ յանմտագունից ա-
տեցողաց 'ի վերայ պատուիրանի
տեառն խողեսողեալ՝ առաքելարար
զմահ ընդունէր , 'ի կաճառս կեն-
դանեացն թեւակոխելով . զի միշտ
կենդանի գոլով Աստուծոյ ըստ
տերոհնեան հրամանին . յեկեղե-
ցիս անգրանկաց գրելոց 'ի յեր-
կինս 'ի վերինն Երուսաղէմ որ է
մայր մեր ամենեցուն . յազատն 'ի
վայրաքարշ վրդովմանց , հուպ առ
Երրորդութիւնն . ուր սերորէիցն
դապք , քերորէիցն գունդք , աթո-
ռոցն ջուկք , հրեզինացն հոյլք ,
ճշմարտապէս անգ և քահանայա-
պետն մեր սուրբն Արիստակէս . ուր
և փառաւորէ իմանալի ձայնակցու-

Թեամբ ընդ երկնայնոցն դասուց
զքահանայապետն Քրիստոս զքիա
ռաւորեալն ընդ հօր և հոգւոյն
անշուքի ձայնիւ յաւիտեան :

Սա էր 'ի կառուցման 'ի վիմին
հաւատոյ 'ի նիկիական հարցն հա
ւաքումն՝ փոխանորդ հօրն առա
քեալ 'ի հռովմայեցւոց մեծագա
հուծիւնն . մեծափառ և զարմա
նալի հրաշիւք անդ փառազարդեալ .
'ի մէջ բազմախումբ հարանցն սրբ
բոց հանգիսաւոր երեւեալ . 'ի վե
րայ կապուտակ ալեացն լայնատա
րած լճին լիութեան վեհաւէա և
քստմնածածան կորովակի սիքա
շարժ Թանձրութեամբ ջուրցն Ով
կիանոյն՝ սիգաքայլ ոտիւք սրընթա
ցութեամբ սխրացեալ , անվեհեր
գիտմամբ յիսուսաբար 'ի նկատեալ
տեղին հասաներ : Ոչ պետրոսօրէն
երկմէր , այլ փրկչաբար խիզա
խէր : Եւ ժողովեցոց հարցն բազ
մութեան՝ սխրալի հիացումն առ
նէր . և զանգրագարձութիւնն եկա
ւորութեամբ՝ ոչ տաճրակուսանօք
ինչ հայթայթէր , կամ յառաջար

կեալ հանդիսին կասէր . այլ նոյնա-
 ձեւ օրինակաւ համարձակապէս 'ի
 հաստատուն երկիր ելանէր . որ և
 հետք հետագնացութեանն մինչեւ
 ցայսօր ժամանակի լուսաշաւիղ ե-
 րեւմամբ 'ի վերայ երեսաց ջուրցն
 տեսանի առ 'ի յիշատակ սրբոյն
 պօնչեղեաց . և ճշմարտապէս ամե-
 նայն ուրեք 'ի տեսողացն ստու-
 գիւ պատմի առանց երկբայութեան
 որպէս և է ճշմարիտ . նա և թըշ-
 նամեաց վկայութեամբ հաստատի
 հաւատաւեալ, որ զօրաւոր է յամե-
 նայնի . այլ և առն Աստուծոյ և
 տաճար սրբութեան 'ի տեղւոջն
 հաստատեալ, առ 'ի վկայութիւն
 հրաշիցն և 'ի հաւատ տեսողաց :
 Յորոց հիացմամբ փառս վերառա-
 քի հրաշագործողն Քրիստոսի .
 զի Աստուած փառաւորեալ է 'ի
 խորհուրդս և 'ի բանս և 'ի գործս
 սրբոց իւրոց ճշմարտապէս : Եւ ըզ-
 փառաւորիչս իւր փառաւորէ փա-
 ռաւորեալն յամենայն 'ի գործս
 բարիս որդւոց մարգկան . զորոց
 տեսեալ զմեծապօնչ հրաշս ժողո-

վուրդք հաւատացելոց, փառաւո-
րեն զհայրն երկնաւոր զտուիչն
այնպիսի իշխանութեան մարգկան :
Սա դառնայր 'ի ժողովոյն Նիկիայ և
գայր յաշխարհս հայոց մեծաւ
հանգիսիւ, շնորհք Հոգւոյն սրբոյ
զօրացեալ, հանգունատիպ փրկչին
մերոյ Յիսուսի դառնալոյն զօրու-
թեամբ հոգւոյն 'ի Գալիլեա . և
եւանէր համբաւ զնմանէ ընդ ամե-
նայն կողմանս գաւառաց ուր և
հասանէր . որք ասէին՝ Այս այր է
որ իշխանութեամբ սառտէ հողմոց
և ծովուց ըստ օրինի փրկչին Յիսու-
սի և հնազանդին սմա : Նա և այսոց
պղծոց հրաման տայ և եւանեն . և
զամենայն ցաւս տպաքինէ 'ի մարգ-
կանէ զօրութեամբ տեսառն իւրոյ :
Որք լուեալ բերէին զամենայն հի-
ւանդս և ախտաժէտս և ընկենուին
առ ոտս նորա և բժշկէր զամենե-
սեան . և տեսեալ բազմաց զեղեալ
սքանչելիսն , տային փառս Առ-
տուծոյ և ասէին , որպէս լուպք՝
սոյնպէս և տեսաք : Եւ այսպիսի
մեծապքանչ հրաշիւք և չքնաղապէզ

Ճոխութեամբ դայր հասանէր յաշ-
խարհս հայոց , բերելով ընդ ին-
քեան զգիրս հաւատոյ զեգեալն 'ի
մեծէ ժողովոյն . և մատուցանէր
հօրն իւրում սրբոյն Գրիգորի և
մեծի Թագաւորին Տրդատիոսի .
որք մեծաւ ուրախութեամբ ընկա-
լեալ բերկրէին , և յաւելուին 'ի
նոյն ըստ պատշաճի , խնդրելով 'ի
տեառնէ՝ զի 'ի նոյնն հաստատ կող-
ցեն մնասցեն իւրեանց վիճակեալ
ժողովուրդս :

Սա կացեալ զկնի հօր իւրոյ մե-
ծին Գրիգորի յաթոռ հայրապե-
տութեանն ամս եւթն , բարւոք վե-
րակացութեամբ և ճշմարիտ վար-
դապետութեամբ յանդիմանելով
զչարսն . և որպէս ասացաւ՝ յԱրքե-
ղայոսէ ամբարիշտ բռնաւորէ վասն
սաստկագին յանդիմանութեանն՝
սրով զմահ ընկալեալ , հասանէր
խնդութեամբ առ Քրիստոս , առ
որ անձկացեալն էր 'ի մանկութե-
նէ . ասելով , Տէր ոչ զոք սիրեցաք
յաշխարհի , բայց միայն զքեզ . և
թէ , Թողաք զամենայն և եկաք

զկնի քո , և զբանն քո պահեցաք
 ճշմարտապէս . տուր մեզ զոգոր-
 մութիւն քո . այսպէս վճարեաց
 զկեանս սուրբ հովիւն մեր . սուգ
 մեծ թողեալ վիճակելոց իւրոց .
 որոց վասն աղօթէ միշտ առ տէր
 ասելով . Զգործս ձեռաց քոց մի
 անտես առներ :

Իսկ զկնի սորին երանելին ՎԵՐ-
 թանէս հարազատ եղբայր սօրա .
 ոչ միայն ըստ մարմնոյ , այլ և ըստ
 հոգւոյ եւս՝ առաքինութեան նո-
 թին գոլով համեմատ , բազմագիմի
 պատուով պանծացեալ . որ և ուղ-
 զափառ վարդապետութեամբ զճրչ
 մարտութիւն միշտ քարոզելով ,
 հոստատէր եւս կրկին անգամ
 իւրով յօժարական երկամբք զա-
 թոռն թագաւորական , բարեպաշ-
 տութեամբ և ուղղափառ հաւա-
 ասով զարդարեալ . կայսերական
 պատուով պանծացեալ , և ի պա-
 տիւ սրբութեան շքեղացեալ . յա-
 ռաջագէմ յամենայն գործս բա-
 րութեան , արիագոյն ի վաստակս
 առաքինութեան : Զբարեմիտսն

յորդորենլով 'ի գործս բարին , և
 զչարսն յանդիմանելով բանին
 ճշմարտութեան . արգարեւ քանոն
 հաւատոյ և չափ աստուածաշատու
 թեան և հիմնադրութեան յամե-
 նայնի ճանաչէր . 'ի մարմնի միշտ
 կենդանի վկայ Քրիստոսի . սպա-
 նանելով զանդամս զերկրաւորս
 ըստ առաքելոյն բանի : Անմարմնա-
 բար ճգնութեամբ , ճշմարիտ քա-
 ղաքավարութեամբ , ուղիղ վարդա-
 պետութեամբ և բարւոք վերակա-
 ցութեամբ՝ զանձն օրինակ տալով
 բազմաց և նպատակ բարեաց զկնի
 եկելոց , ըղձալի մարդկան և հաճոյ
 Աստուծոյ :

Յաւելեալ 'ի հարս հայրապետն ,
 'ի քահանայս քահանայապետն , 'ի
 հովիւս հովիւն քաջ , որ զանձն իւր
 միշտ եղեալ էր 'ի վերայ հօտին , 'ի
 ճգնաւորս անմարմնաբար ճգնեալն .
 'ի վկայս՝ հանապազօր մեռեալն աշ-
 խարհի . որոյ աշխարհ 'ի խաչ ե-
 լեալ էր՝ և ինքն աշխարհի : Ի մար-
 տիրոսս՝ միշտ մարտուցեալն 'ի վե-
 րայ պատուիրանացն Աստուծոյ . 'ի

ՆԵՐԲ . ՅՈՐԴԻՍ ԼՈՒՍ . 2

Նահատակս՝ հանապազօր նահատակեալն ըստ հաճոյիցն Աստուծոյ . 'ի մենամարտս՝ բարւոք մարտուցեալն ըստ օրինի տեսուն . 'ի սիրելիսն Աստուծոյ՝ միշտ անձկացեալն առ նա սիրով . որ միշտ փափագէր զեւանեւն 'ի մարմնոյ աստի և զլինեւն առ Աստուած . որ հանապազ գոչէր ընդ մեծին Դաւթի բաղձալի սիրով, Եւրբ եկից երեւեցայց երեսացդ Աստուծոյ : Վաղագոյն հրաժեշտ խընդրելով յախտալի կենացս ցանկալին վերնոց , և մեզ յոյս բարեաց առ Աստուած և պարծանս առ մարմնակից մարդիկ . որ և բարեխօսէ միշտ առ տէր վասն հօտի իւրոյ աստ մնացելոյ :

Այլ և շառաւեղ սորին սրբութեան մեծայոյսն և յուսոյ ժառանգն . որ յուրվագոյն յուսով յուսայր 'ի յոյսն առատապարգեւ . յուսով կարգալով զանունն Աստուծոյ զյոյսն ամենեցուն յօգնականութիւն յուսացելոց 'ի յոյսն բարի , ճշմարիտ քահանայապետն Յոյսն յորջորջեալ . փոխանորդն

հօրն աթոռոյն , և նախանձաւոր նռ-
 րին առաքինութեան : Նաեւ զնա-
 խանձ տեառն յանձին կրելով հան-
 գոյն մեծին Եղիայի , 'ի վերայ պատ-
 ուիրանացն Ստուծոյ նախատա-
 կեալ նման մեծին Յովհաննու մը-
 կրտաչի : Արէժիսնդիր փառաց փրկ-
 չին մերոյ Քրիստոսի , որդւոյն Աս-
 տուծոյ վկա : Ճշմարտութեամբ .
 հովիւ հոգեւոր՝ հօտին Քրիստոսի ,
 արդարեւ տեառն նմանեալ , զանձն
 դնելով 'ի վերայ ոչխարաց , գորո-
 վադութ սիրով հոգայր մեծապէս
 վասն փրկութեան հօտին իւրոյ .
 դեմաժաբար գոչէր առ բարեգութն
 և ողորմածն Աստուած , Մի մերժեր
 զմեզ յողորմութենէ քումմէ . մի
 ցրեր զուխտս քո . մի 'ի բացէ առ-
 ներ զողորմութիւնս քո 'ի մէնջ . մի
 մատներ զմեզ իսպառ վասն ա-
 նուանդ քում սրբոյ . այլ զերծո
 զմեզ յորոգայթէ որսողին վասն
 Գրիգորի սիրելւոյ քո , և վասն
 Ռատակիսի ընտրելոյ քո , և Ալը-
 թանիսի սրբոյ քո . յիշեա տէր ըզ-
 Գրիգոր և զամենայն հեզութիւն

նորտ . որպէս երգուաւ տեառն և
 ուխտս եդ Աստուծոյ իւրոյ , թէ
 ոչ ելից 'ի խորութեան վիրապէս և
 'ի միջոյ թունաւոր գազանացս . թէ
 տաց քուն աչաց , կամ նինջ արտե-
 ւանաց . թէ տեսից զլոյս արեւու ,
 մինչեւ զաւետիս ընկալայց փրկու-
 թեան ազգիս այսորիկ . թէ բեր-
 կրեցայց սրտիւ , մինչեւ գտից շտե-
 ղի տրկանեւ հիմն տաճարի տեառն
 'ի դաւառիս յայսմիկ : Եւ արդ տէր ,
 յիշեա զուխտ վաստակաւորին քո .
 և զնեղելոց անձանց պաղատանս մի
 անտես առներ . տուր փառս ա-
 նուան քում որ փառաւորեալդ ես
 յաւիտեան : Անձինք նեղեալք և հո-
 գիք ձանձրացեալք յանօրինաց յա-
 րուցելոց 'ի վերայ մեր , աղաղա-
 կեմք առ քեզ Քրիստոս փրկիչ մեր .
 լուր ձայնի աղօթից յուսացելոցս 'ի
 քեզ . և փրկեա զմեզ 'ի հալածչաց
 մերոց . զի քեզ փառս վերառա-
 քեսցուք ընդ հօր և հոգւոյդ սրբոյ :
 Այսպիսի գորովագութ սիրովա-
 ղութեր քաջ հովուապետն մեր և արի
 երջանիկ ծնողն ըստ հոգւոյ երա-

ներին Յուսիկ 'ի վերայ հօտին իւ-
 րոյ . այսպիսի արտօսրագոչ պաղա-
 տանս մատուցանէր առ Աստուած
 վասն բանաւոր խաշանց իւրոց .
 այսպիսի սիրալիր գթով գոչէր առ
 տէր վասն արագահաս օգնականու-
 թեան , շորթելով 'ի գուծ զայն որ
 ոչ երբեք դադարէ 'ի գթալոյ : Եւ
 այսպիսի թախծեալ սրաիւ հեղոյր
 զանձն առաջի տեառն . և յորդա-
 ռատ արտասուօք ոռոգէր զերեսս
 երկրի . որ և այսպիսի աղօթիւք սա-
 տակէր զանօրէնն Յուլիանոս զան-
 մտութեամբ յարուցեալն 'ի վե-
 րայ եկեղեցւոյ սրբոյ : Եւ ինքն որ
 ըստ օրինակի տեսառն զամենեցուն
 կամէր կեալն և 'ի գիտութիւն ճշ-
 մտրտութեան զգալ , փութանակի
 հասանէր առ թագաւորն , թերեւս
 կարասցէ շահել զփրկութիւն ու-
 գւոյ նորա : Եւ անդ 'ի ձեռն ա-
 ռեալ զխրատ վարդապետութեան
 իւրոյ , բազում ջանիւ հնարէր դար-
 ձուցանել զնա յապարասան բա-
 րուցն զոր ստացեալն էր . յուշ
 առնելով նմա զտեառն մարգասի .

րութիւն և զերախտիս նախնեացն
 և զջանս վաստակոց նոցին . Ով թա-
 գաւոր , ասելով , ընդէր անմտանաս
 'ի քրէական մեղս յանդգնելով . ե-
 կեղեցի գնեալ է պատուական ա-
 րեամբն Քրիստոսի , և քարինք սո-
 րա շաղախեալ են 'ի կայլահահոս աղ-
 բերէ կողից նորա . և շինուած յար-
 կի սորա առաքելովք և մարդա-
 րէիւք հիմնացեալ է . հայրապետաց
 և վկայից կատարմամբ աւարտեալ
 է . հրեշտակաց բնակարան և մարդ-
 կան քաւարան խոստովանեալ է .
 աթոռ աստուածութեանն 'ի սա-
 կառուցեալ է . զնորածնեալսն՝ որ-
 դիս Աստուծոյ առնէ . զամուսնա-
 ցեալսն՝ որջախոհութեամբ զարգա-
 րէ . զննջեցեալսն հաղորդս առնէ
 տեառն արքայութեան : Հիմ առ-
 նես զսա տեղի և բնակարան դիւաց .
 զիմորդ զտաճար Աստուծոյ՝ բա-
 գինս կռոց . ո՞րպէս զյարկս փրկու-
 թեան՝ տեղի կորստեան . ընդէր ըզ-
 ատուն սրբութեան՝ վայրս պղծու-
 թեան . զլինչ օգտեցան այնոքիկ որք
 այդպէս անմտացան . ո՞ւր են թագա-

և որքն առաջինք չարագոյնքն և ա-
 պարասանք , որք պաշտօնեայք էին
 դիւաց . ո՛չ ապաքէն սրպէս զԾուխ
 պակասեցան , և իբրեւ զփոշի զոր
 տարաւ մրրիկ . և երանի՛ թէ այս-
 չափ միայն . այլ կան և մնան լուց-
 կիք յաւիտենական տանջանացն : Ես
 զքեզ կամիմ զի ընդ երկրաւոր թա-
 գաւորութեանդ՝ և զերկնիցն ժա-
 ռանդեացես զարքայութիւն . և ընդ
 անցաւոր փառացս՝ զանանցն առ-
 ցես փառս : Յիշեա զվէմնն հաւա-
 տոյ զՏրդատիոս և զԳրիգորիոս ,
 զհաւն իմ և զհաւն քո . ուստի կըր-
 կին կոփեցայք ըստ մարմնոյ և ըստ
 հոգւոյ . նոքա զդիւաձոյլ պատ-
 կերսն խորտակէին , և զմեհեանսն
 քանդէին , և ՚ի տեղիսն եկեղեցիս
 հիմնորկէին : Եւ դու զտաճար Աս-
 տուծոյ բնակարան դիւաց առնես
 և տեղի կռոց պատրաստես : Եւ ո-
 ղովմ տանջանաց չիցես արժանի .
 կամ ո՞ր գեհեն զքեզ ոչ այրեսցէ .
 վասն զի կրկին է ապարասանու-
 թիւնդ . ուրացութեամբ և ՚ի սըր-
 բութիւնսն մեղանչես . զի թէ ՚ի

վայրաքնակ տեղիս կռապաշտելն
կորուստ է անձին , ապա զոր նե-
րուամն թողութեան ունիցի որ առ
սեղանովն Աստուծոյ զպատկերս
գիւաց գնիցէ . քանզի զնչ հա-
ղորդութիւն է լուսոյ ընդ խաւա-
րի . կամ զնչ նմանութիւն է տա-
ճարի Աստուծոյ ընդ մեհենեաց :
Վասն որոյ նպաստաւորութիւն մա-
տուցանեմ քեզ զգուշանալ 'ի չար
յամառութենէդ . զի մի եկեսցէ 'ի
վերայ քո բարկութիւն տեառն . զի
թէ Բաղասար արքայ բարեւացւոց՝
որ զսպասս սրբութեան յանարժան
տեղիս մատուցանէր՝ չարաչար սա-
տակեցաւ , ապա առաւել եւս քեզ
լիցի կորնչիլ , որ զգարչելին 'ի սրբ-
ութիւնսն մերձեցուցանես . վասն
որոյ աղերսիւ հայցեմ և փոխան ա-
ղաչեմ ով թագաւոր , մի փութար
'ի քոյին կորուստ : Մի զերկրաւոր
թագաւորի պատկերդ յաբգոյ հա-
մարեսցիս քան զպատկերդ երկնա-
ւորին . յիշեա զի գրեալ է , Ի պատ-
կեր իւր արար Աստուած զմարգն :
Մի փոխանակեր զմահկանացուդ

ընդ անմահին , զառօրեայդ ընդ
մշտնջենաւորին . զի այդմ պատ-
կերի նախագահապարն վազվազակի
չարաչար ըստ արժանւոյն կորնչելոց
է . իսկ ոգւոյդ քո կայ և մնայ
յաւիտենական պատրաստեալ զա-
թոռ իւր 'ի դատաստան , առ 'ի
մշտնջենաւոր դասել զայնպիսին :
Վասն որոյ , ով թագաւոր , զարթիր
'ի թմբրութենէդ որ ոչ է 'ի քնոյ .
սթափեաց յարբեցութենէդ որ ոչ
է 'ի գինւոյ , այլ վայի արժանի .
հիւանդ ես հոգւով , մի զանմահ
մահն մեռանիր . կիսագօս ես առ
այժմ , մի բնաւ ասպականիր . եկ 'ի
զղջումն փութապէս . ամբարձ յեր-
կինս զաչս քո , նայեաց 'ի բարձունս
առ տէր Նստուած քո : Յիշեա
զարարիչն որ ստեղծ զքեզ յոչնչէ ,
որ եհան զքեզ յարգանդէ . որ
կերակրեաց զքեզ 'ի մանկութենէ .
որ փչեաց 'ի քեզ զշունչդ . որ ետ
քեզ զարքայութիւնդ . որ խոստա-
ցաւ քեզ զհանգերձեալն եթէ պա-
հեսցես զպատուիրանս . որ իշխա-
նութիւն ունի կենաց և մահու քո .

յիշեա զչնորհս աւազանին որով
 լուսաւորեցար . յիշեա զանունդ
 սրբոյ եկեղեցւոյ որով գաստիարա-
 կեցար . յիշեա զհաղորդութիւն
 մարմնոյ և արեան տեառն որով
 քաւեցար . յիշեա զնշանն տէրու-
 նական որով կնքեցար յաւուրն
 փրկութեան . որով և պահպանեալ
 եղեր . որով և փրկութիւն գտեր .
 յիշեա զմիւսանգամ գալուստն յոր-
 ժամ ծագի նշան փրկչին 'ի յարե-
 ւելից պայծառ քան զարեգակն .
 յիշեա և զդնիլ աթոռոցն , զահեղ
 գատաստանն , զիւրաքանչիւր գոր-
 ծոց հատուցումն , յորժամ Հայր և
 Որդի և Հոգին սուրբ բազմին յա-
 թոռ փառաց . և զօրք հրեշտակաց
 յերկնից յերկիր հեղուն . մինչ զի
 թափուր լինել երկնից 'ի բնակչաց :
 Որպիսի լինիցի ատեանն այն . յոր-
 ժամ բանքն սպառին և գործքն
 թագաւորեն . յորժամ իւրաքան-
 չիւր ումէք յանցանք հրապարա-
 կայայտ լինին , և զարհուրեալ գո-
 ղան տարրեղէն արարածքս : Անդ
 զայս ամենայն քեզ յուշ արարից ,

յորժամ զղջասցիս և ոչ օգտեսցիս .
հառաչեսցես և ոչ հասանես . խըն-
դրես և ոչ գտանես . զի կոչէի և ոչ
լուար . յերկարէի զբանս և ոչ ան-
սացեր . վասն որոյ այժմ՝ լուր ,
մինչդեռ ժամանակս 'ի ձեռս է .
մինչդեռ գոյ յոյս փրկութեան և
ժամանակ ապաշխարութեան :

Անկիր առաջի տեառն արտա-
սուգք և աղաչեա զերեսս նորա ա-
պաշխարութեամբ . ասա , Մեղայ
տեառն , որսկէս Դաւիթ . և լուիցես
սպառասխանի , եթէ՝ Եթող տէր
զյանցանս քո . արտասուեա ընդ
Պետրոսի և ընկալցիս վերստին ըզ-
շնորհս . ընդ Պաւլոսի յուշ արա
զանգիտութիւնդ . ընդ մաքսաւորին
քաւութիւն խնդրեա . ընդ աւա-
զակին գոչեա մեծաձայն , Յիշեա
զիս սէր յարքայութեան քում . և
լուիցես ժառանգել զդրախտն աս-
տուածատունկ : Լէր օրինակ բազմաց
մեղուցելոց և վատահութիւն յու-
սահատելոց . որք 'ի քոյդ նայելով
'ի դարձ , գայցեն 'ի զլջումն ապաշ-
խարութեան և յուսասցին Թողու-

Թիւն գտանել . գոչեա ընդ Մանա-
սէի , Չեմ արժանի հայիլ 'ի բարձ-
րուԹիւնս երկնից 'ի բազմուԹենէ
անօրէնուԹեան իմոյ . վասն զի կան-
գնեցի պատկեր և բազմացուցի ըզ-
ցասումն անձին իմոյ . և զայլս որ 'ի
կարգին . որով հանգիպեսցիս փրը-
կուԹեան . ահա ծանուցի քեզ
զամենայն ճշմարտապէս որով ա-
պրեսցիս :

Եւ յորժամ ամենայն բանքս աշ-
տօքիկ ոչ ազգէին 'ի միտս Թագա-
ւորին , այլ կարծրացուցանէր ըզ-
սիրտ իւր իբրեւ զսալս դարբնաց .
և խնոյր զականջսն որպէս իժի և
քարբի չարաԹոյն գազանացն . և
ոչ աայր տեղի Թովչին ճարտարի ,
առնուլ դեզ 'ի դեղատուէն իմաստ-
նոյ . յայնժամ զմարգարէականն 'ի
կիրարկանէր զհրաման մեծին Դաւ-
թի երանելի սուրբ հայրապետն
Յուսիկ . զորոյ զանունն ասել
քաղցր է 'ի լսելիսն իմ զօրէն պա-
տուիրանի տեառն առաւել քան ըզ-
քաղցրուԹի մեղու 'ի քիմս ճաշակո-
ղաց ըստ հոգերգողին . և զինչ գոր-

Ծէր երջանիկն 'ի հովուապետս .
 զսաստ բարկութեանն 'ի ձեռին ա-
 ռեալ իբրեւ զնեցուկս . երկաթե-
 ղէնս . և զպատկեր պոռնկին իբ-
 րեւ զանօթս կաւագործաց խոր-
 տակէր , և տոփելով 'ի վերայ ո-
 տամբ՝ բարբառէր . Աստուածք որ
 զերկինս և զերկիր ոչ արարին՝ կո-
 ռիցեն 'ի ներքոյ երկնից . զի կուռք
 հեթանոսաց դեւք են . և զի ետ
 տէր հրաման 'ի վերայ իժի և քարբի
 գնալ և կոխել զամենայն զօրու-
 թիւնս թշնամւոյն : Եւ այսպէս ա-
 ռաթուր հարեալ զգունեալ գար-
 շութիւնն , ընդ ոտիւք արկանէր
 զիմանալին Դողիագ . զժողովուրդ
 իւր ամբողջ պահելով յաներեւոյթ
 այլազգեաց : Եւ վանեալ մեծաւ
 յաղթութեամբ զվիթխարի վիշապն
 ահագին . զոր օրինակ մեծն Դանիէլ
 զգարչելին զայն 'ի Բաբելոնի . կամ
 իբրեւ զԴադոնն զայն 'ի ձեռն ուր-
 բութեան տասպանակին առ քանա-
 նացիան : Ընդ որ ցասուցեալ թա-
 փաւորին , զամենայն թոյնս գառ-
 նութեան իւրոյ թափէր 'ի նս փու-

Թանակի . անօթ եղեալ սատանայի ,
 զկամս նորա կատարելով յօժարու
 Թեամբ : Եւ հրամայէր ձաղկել զնա
 ուժգին . ոչ միայն ըստ Պաւլոսի
 քառասուն միով պակաս , այլ մին-
 չեւ յոգիս , զի զրաւեցի 'ի կենաց .
 որպէս և եղեն իսկ : Տոփանաւ
 հարեալ հանգոյն եղբօր տեառն
 Յակովբայ . որոյ և փառացն հա-
 զորդ գտեալ 'ի Քրիստոս . ո՛վ ան-
 մտութեան զինուորացն . ո՛վ չա-
 րին սպասաւորացն . ո՛վ արքանե-
 կաց բանսարկուին : Յորժամ բար-
 կանայր Սաւուղ 'ի վերայ քահա-
 նայիցն և հրամայէր կոտորել զնո-
 սա վասն կերակրելոյն զ'Իսաւիթ ,
 ոչ առին յանձն սպասաւորքն . այլ
 հրաժարէին ամենեքեան ասելով ,
 Ոչ միտեցուք զձեռս մեր յօժեալ
 տեառն . մինչեւ Դովեկ ասորի պա-
 տահէր նոցա հրամանաւ Սաւու-
 զայ . և յորժամ յանգիմանէր Պաւ-
 լոս զքահանայապետն Անանիա
 վասն հրամայելոյն հարկանել ըզ-
 բերան նորա , և սպասաւորացն ա-
 սացեալ՝ զքահանայապետ Ասու-

ծոյ հայհոյես , տսէր . Ոչ գիտէի
 եղբարք եթէ իցէ քահանայապետ .
 Թէպէտ և գիտէր իսկ . յայտ առ-
 նելով . Թէ պատկառել պարտ է յո-
 ծուԹեան շնորհէն . նա և տէրն մեր
 և Աստուած՝ յորժամ ածեալ լի-
 նէր յատեան անաստուածիցն և
 հարցեալ յանօրէն քահանայիցն և
 համարձակուԹեամբ տունէր զպա-
 տասխանին , տպտակեալ լինէր 'ի
 չարին սպասաւորէն և 'ի չար հա-
 տուցանողէն ընդ բարւոյ կեցուցին
 իւրոյ . որ և տսէրն իսկ , Ա՛յդպէս
 տաս պատասխանի քահանայապե-
 տիդ . և այսպէս ամենայն ուրեք
 պատկառէին 'ի պատուոյն : Իսկ սո-
 քա միայն երեւէին լիրբք և յան-
 դուգն , ոչ ունելով զերկեւոն Աս-
 տուծոյ և ոչ պատկառելով 'ի շնոր-
 հէ քահանայուԹեանն . այլ զցան-
 կուԹիւնն սատանայի կատարէին
 անմտուԹեամբ 'ի կորուստ անձանց .
 զի նա մարդասպան է 'ի սկզբանէ
 ըստ հրամանի փրկչին մերոյ : Ա-
 ւա՛ղ անմտուԹեան տգգիս մերոյ .
 քանի՛ լուսաւորիչս խաւարեցուցին .

վայրաքնակ տեղիս կռապաշտեն
 կորուստ է անձին , ապա զոր նե-
 րումն թողութեան ունիցի որ առ
 սեղանումն Աստուծոյ զպատկերս
 գիւաց գնիցէ . քանզի զինչ հա-
 ղորգութիւն է լուսոյ ընդ խաւա-
 րի . կամ զինչ նմանութիւն է տա-
 ճարի Աստուծոյ ընդ մեհենեաց :
 Վասն որոյ նպաստաւորութիւն մա-
 տուցանեմ քեզ զգուշանալ 'ի չար
 յամառութենէդ . զի մի եկեսցէ 'ի
 վերայ քո բարկութիւն տեառն . զի
 թէ Բաղասար արքայ բարեւացոց՝
 որ զսպասս սրբութեան յանարժան
 տեղիս մատուցանէր՝ չարաչար սա-
 տակեցաւ , ապա առաւելեւս քեզ
 լիցի կորնչիլ , որ զգարչելիսն 'ի սրբ-
 ութիւնսն մերձեցուցանես . վասն
 որոյ աղերսիւ հայցեմ և փոխան ա-
 զաչեմ ով թագաւոր , մի փութար
 'ի քոյին կորուստ : Մի զերկրաւոր
 թագաւորի պատկերդ յաբգոյ հա-
 մարեսցիս քան զպատկերդ երկնա-
 ւորին . յիշեա զի գրեալ է , Ի պատ-
 կեր իւր արար Աստուած զմարդն :
 Մի փոխանակեր զմահկանացուդ

ընդ անմահին , զառօրեայդ ընդ
 մշտնջենաւորին . զի այդմ պատ-
 կերի նախագաղափարն վաղվազակի
 չարաչար ըստ արժանւոյն կորնչելոց
 է . իսկ ոգւոյդ քո կայ և մնայ
 յաւիտենական պատրաստեալ զա-
 թոռ իւր 'ի գառաստան , առ 'ի
 մշտնջենաւոր դասել զայնպիսին :
 Վասն որոյ , ով թագաւոր , զարթիր
 'ի թմբրութենէդ որ ոչ է 'ի քնոյ .
 սթափեաց յարբեցութենէդ որ ոչ
 է 'ի գինւոյ , այլ վայի արժանի .
 հիւանդ ես հոգւով , մի զանմահ
 մահն մեռանիր . կիսագօս ես առ
 այժմ , մի բնաւ ապականիր . եկ 'ի
 զգլու մն փութասպէս . ամբարձ յեր
 կինս զաչս քո , նայեաց 'ի բարձունս
 առ տէր Նստուած քո : Յիշեա
 զարարիչն որ ստեղծ զքեզ յոչնչէ ,
 որ եհան զքեզ յարգանդէ . որ
 կերակրեաց զքեզ 'ի մանկութենէ .
 որ փչեաց 'ի քեզ զչունչդ . որ ետ
 քեզ զարքայութիւնդ . որ խոստա-
 ցաւ քեզ զհանգերձեալն եթէ պա-
 հեսցես զպատուիրանս . որ իշխա-
 նութիւն ունի կենաց և մահու քո .

յիշեա զշնորհս աւագանին որով
 ուսաւորեցար . յիշեա զանունդ
 րբոյ եկեղեցւոյ որով գտատիարա-
 րեցար . յիշեա զհալորդութիւն
 Խորմնոյ և արեան տեառն որով
 քաւեցար . յիշեա զնշանն տէրու-
 ական որով կնքեցար յաւուրն
 իրկութեան . որով և պահպանեալ
 եղեր . որով և փրկութիւն գտեր .
 յիշեա զմիւսանդամ գալուստն յոր-
 ժամ ծագի նշան փրկչին 'ի յարե-
 ւելից պայծառ քան զարեգակն .
 յիշեա և զգնիլ աթոռոցն , զահեղ
 դատաստանն , զիւրաքանչիւր գոր-
 ծոց հատուցումն , յորժամ Հայր և
 Որդի և Հոգին սուրբ բազմին յա-
 թոռ փառաց . և զօրք հրեշտակաց
 յերկնից յերկիր հեղուն . մինչ զի
 թափուր լինեւ երկնից 'ի բնակչաց :
 Որպիսի՛ լինիցի ատեանն այն . յոր-
 ժամ բանքն ստառին և գործքն
 թագաւորեն . յորժամ իւրաքան-
 չիւր ումիք յանցանք հրապարա-
 կայայտ լինին , և զարհուրեալ դո-
 զան տարրեղէն արարածքս : Անդ
 զայս ամենայն քեզ յուշ արարից ,



փակեաց զծով տւազով . և զթան-
 ձրութիւն հոծ և կարծրագոյն խը-
 ճողեալ երկրի՝ ՚ի վերայ հոսանուտ
 և լոյծ բնութեան ջուրց հաստա-
 տեաց . և որպէս կամի փոփոխէ զա-
 մենայն անհնարինս ՚ի հնարաւորու-
 թիւն : Եւ արդ՝ որդեակք , լուարուք
 և ՚ի միտ առէք զհրամանս պատուի-
 րանի տեառն . որպէս զի բարի լի-
 նիցի ձեզ , և ողորմութիւն գտնիք
 ՚ի մարդասիրութենէն ՚ի դէպ ժա-
 մանակի :

Զայս և առաւել քան զսոյն
 քարոզէր և ուսուցանէր երջա-
 նիկ հովուապետն Գրիգորիս ՚ի
 մէջ բազմամբոխ ժողովորդեանն այ-
 նորիկ , յորդորելով զնոսա ՚ի հա-
 ւատս , և վարժելով ՚ի գիտութիւն
 ճշմարտութեան . որք թէպէտ և
 զառաջինն տեղի տուեալ ունկնդիր
 լինէին քարոզութեան սրբոյ առնն
 Աստուծոյ , բայց յետոյ հրապոյրս
 պղտորս և գառնացուցիչս արբեալ
 սաստկապէս զարժանին վայի մա-
 տուցողաց և ընդունողաց , և կարծ-
 րացուցեալ զսիրտս իւրեանց որպէս

զՓարաւոնին և զնմանեաց նորին , և
 զչարեալ չարացն այնոցիկ 'ի չարա-
 գոյն հօրէն չարութեան , չարապէս
 չարչարանօք զչարչարանս սրբոյն
 հնարէին . կատարելով զկամս չա-
 րութոյն վիշապին , արքանեկին իւ-
 րեանց չարութեանն , որ հրապու-
 ըէր զնոսա յայնպիսի չարութիւն ,
 Եւ զնչ առնէին . նորահնար իմն
 չարի գտակ եղեալ . զի հանգիսաւոր
 և հռչակելի չարութիւն գործեա-
 ցեն : Եւ գտեալ 'ի դէպ չարին խոր-
 հըրդոց , որով յագեցուցեն զախտ
 սրտմտութեանն , զվայրենի ամե-
 հութիւն քառաքեաց երիվարաց .
 որով ստորաքարչ ընթադրութեամբ
 զկեանս սրբոյն սպառէին , յածե-
 ցուցանելով ընդ լայնանիստ մեծու-
 թիւն դաշտին . զի խնամով մանրա-
 մասնաբար երկարութեամբ գզեսցի
 մատաղ մարմին սուրբ հովուապե-
 տին . յորոյ կարմրագոյն արեանն
 հեղմանէ՝ անբուսածին քարինք
 ծաղկէին , և թանձրագոյն հողն ու-
 ռոգանէր , կանաչագեղ բոյսքն ծի-
 րանեգոյն ներկանէին , և խռուա-

ցեալն դաշարանայր : Եւ մեծ քա-
հանայապետն և երջանիկն յամե-
նայնի՝ արդարեւ նմանեալ տեառն
իւրոյ մեծի հովուապետին , աղօ-
թելով վասն հօտին իւրոյ փրկու-
թեան , ոչ միայն ոչ համարեալ ի
մեղս զյանդգնութիւնն աղերսէր .
այլ և ողորմութիւն գտանել ի
տեառնէ հայցէր : Եւ այնչափ ջեր-
մեռանդն սիրով զգութ գորովոյ
հաստատուն ունէր , մինչ զի ի ստո-
րաբարչ ընթացրութեանն ոչ լինէր
կասեցեալ յայսպիսի խնդրոյս . այլ
մինչեւ յեւանել շնչոյն զնոյնս աղօ-
թէր . որոյ ոչ լինէր անպտուղ մաղ-
թանք աղօթից ուրբ հովուապե-
տին . այլ ի յանկ ելեալ ամրապէս
կատարիւր խնդիր հայցուածոց նո-
րին . զի մահուամբն իւրով և կա-
մաւոր չարչարանօքն շահէր զփրկ-
ութիւնն նոցա . և հաստատէին ի
հաւատս ճշմարիտս : Եւ յառնէր
յազգէ նոցա թագաւոր բարեպաշ-
տն և երկիւղած յԱստուծոյ . և ի
խնդիր ելեալ մեծաւ յուսով նշխա-
րաց սրբոյ քահանայապետին , գտա-

նէր 'ի գեւղն Ամարաս . մեծասքանչ
հանդիսիւ տօնախմբելով զյիշատակ
նորա ցնծութեամբ ամ յամէ 'ի
փառս Աստուծոյ :

Եւ արդ սոքա չորեքին շառա-
ւեղք մեծի հօրն հաւատոյ սրբոյն
Գրիգորի Լուսաւորչին մերոյ , սե-
րեալք սերտութեամբ 'ի նմանէն
աիրապէս ոչ միայն ըստ մարմնոյ ,
այլ և հոգեւոր շնորհացն գոլով սը-
տուղք գովելի երկամբք . սիրողք
սրբութեան և քարոզք ճշմարիտ
որդւոյն Աստուծոյ . յիւրաքանչիւր
ժամանակս պայծառացեալք պան-
ծալի փառօք . առաքեալք առաքո-
ղին , և սիրեցեալք 'ի ճշմարիտ սի-
րոյն . քահանայք պատուեալք
քաղցրուսոյց վարդապետութեամբ .
արեգակունք կողմանցս արեւու , և
լուսաւորութիւնք 'ի խաւարի նստելոցս .
ցնծութիւնք տրամեցելոց , և ժողո-
վողք ցրուեալ հօտից . նարդոսք ա-
նուշաբուրիչք , և քրքումք քաղ-
ցրատեսիլք . տիեզերաց ծաղիկք ,
և աշխարհի խնդութիւն . պար-
ծանք քրիստոնէութեան , և պսակք

եկեղեցւոյ . միջնորդք խաղաղութեան , և հաշտեցուցիչք արարչին ընդ արարածս . օծեալք շնորհօք Հոգւոյն սրբոյ , և փոխանորդք ճշմարիտ օծելոյն . լուսաբաշխ աջով օծանելով զամենեւեան յիւրաքանչիւր աշտիճանս , քանոնք հաւատոյ և բարձրացուցիչք եկեղեցւոյ . վարդապետք տղայացելոց , և դաստիարակք զարգացելոց . ոմանց կաթն ջամբելով 'ի Քրիստոս , և ոմանց հաստատուն կերակուր ըստ Պաւլոսի . պարիսպք շրջապատ եկեղեցւոյն Քրիստոսի , և աշտարակք ամրութեան հաւատոյ . 'ի յերկրի խորանակիցք մարդկան , և 'ի յերկինս դասակիցք հրեշտակաց . նաւաստիք ճշմարտութեան , և նաւահանգիստք ալեկոծելոց : Ամուք հաւատոյ և պարծանք հաւատացելոց . և արդ զլինչ եւս ասացից . զի տկարանայ բանս առ 'ի ներքողել զսոսա . ամենայնք յամենայնի , և ընդ ամենայնի ամենայնք եղեալք զամենեւեան ընելով . տունկք տենչալիք տանս թորդոմեան , և բարունակք

Ծաղկեալք յայգւոջ սրբութեան ,
սյսինքն է յեկեղեցի Քրիստոսի .
բողբոջեալք բարի արգասիւք 'ի
զանազան ծաղկանց հաւաքումն .
յօրինեալ պսակք վայելուչ՝ մեծա-
սլատիւ փառացն Յիսուսի :

Արիստակէս և Ալթանէս , Յու-
սիկ և Գրիգորիս , քառակի թուով
պանծացեալք հանդոյն չորից տա-
րերց 'ի լիութիւն լրման աշխարհի .
լիացուցիչք լուսով լիապէս . յե-
դեմաբուղիս աղբերէն յառաջեալք
ըստ քառառաջ վտակացն յարձակ
ման , առ 'ի զովացումն ծարաւելոց
քառանկիւնի աշխարհի լրման .
սիւնք ամբութեան յԱստուած
խարսխեալք , ժիշտ յօգտութիւն
հաւատացելոց . չորեքդիմեան կառք
իմանալիք ըստ հրաշալի տեսլեանն
Եզեկիէլի . աթոռք փառաց որդւոյն
Աստուծոյ . բարձողք լծոյ բարձրե-
լոյն շնորհի , յորս հանգչի Աս-
տուածն ամենի . փառաւորեալն
ընդ Հօր և Հոգւոյն : Ընդ սոսաւ և
մեծն Դանիէլ դասակցեալ՝ երա-
նելին և երջանիկն 'ի հարս . որպէս

ասի՝ աշակերտ եղեալ յառաջագոյն Լուսաւորչին մերոյ սրբոյն Գրիգորի, և յերկարեալ մինչեւ 'ի խորին ծերութիւն. ասորի գոլով ազգաւ, 'ի զատական ցեղս որոշելով. բայց համեմատ գոլով սրբոցս, 'ի սրբութեան վարս հաւասարեալ. որ և յանապատի բնակելով հանգոյն մեծին Յովհաննու և Եղիայի, և այնչափ առաքինութեւր վարուէք հաճոյացեալ Աստուծոյ՝ և մեծագոյն շնորհի արժանացեալ յարարչէն, մինչ զի մեծաութանց հրաշք և զարմանալիք կատարէին 'ի ձեռս նորա 'ի շնորհացն Աստուծոյ. որ զի թէ հարկ հասանէր 'ի ձմերայնի ընդ լեռնային վայրս Ճանապարհորդել, կամ վերանայր թանձրութիւն ձեանն 'ի Ճանապարհէն, և կամ յափշտակեալ լինէր մարմնով 'ի տեղին յոր և կամէր գնալ սուրբ ծերունին:

Եւ արդ 'ի ժամանակին յայնմիկ յորում սուրբն Յուսիկ նահատակեալ լինէր ձաղկամամբ 'ի Տիրուհայ թագաւորէն Հայոց ոգորածեծ

առնելով զնա, և 'ի կենդանեացս՝
 փոխէր յաշխարհն կենդանի՝ արիա-
 կան վկայն Քրիստոսի, և սուրբն
 Դանիէլ յայսմ ժամանակի կեն-
 դանի գոլով յանապատի, և վասն
 հռչակելի առաքինութեանն՝ ա-
 ծեալ լինէր 'ի Թագաւորն, զի կա-
 ցուսցեն զնա յաթոռ հայրապե-
 տութեանն Հայոց՝ փոխանակ սրբ-
 րոյ Յուսկանն : Եւ խստագոյնս յան-
 դիմանեալ զԹագաւորն և զսպա-
 սաւորսն ծերունին սուրբ, 'ի յուշ-
 ածելով նոցա զապարասանութեան
 գործս իւրեանց . վասն որոյ յա-
 ւելեալ 'ի չարիս Թագաւորն զեւս-
 անմոտութիւնն, խեղդամահ առնէր
 զերանելին, ոչ պատկառելով 'ի
 հրեշտակական վարուցն և 'ի պատ-
 կառելի դիմացն . զի Թէ Ընդ փայտ
 գալար զայն առնէին ընդ չորն զլինչ
 լինէր . այսինքն՝ եթէ ընդ սուրբն
 Յուսիկ որ շառաւիղ գոլով սրբոյ
 Լուսաւորչին մերոյ և քահանայա-
 պետ փոխանորդ յաթոռ նորա, այն-
 պիսի հարուածք անցուցանէին, ա-
 պա 'ի սուրբն Դանիէլ, որ ոչ տղ-

գային գոլով ըստ մարմնոյ և ոչ
յաթոռ սրբութեան բարձրացեալ՝
զինորդ խնայէին ։ Ողբացէք ծառք
անտառի և ծաղիկք դաշտի զան-
մառութիւն ազգիս մերոյ, եւս առա-
ւել զթագաւորաց մերոց անզգա-
մութիւն ։ Վասն որոյ տայր զվրէժն ,
անձամբ վճարեալ զպարտս չա-
րեացն յաստիսս ընդ մեծագոյն յա-
մառութեանն ։ Վասն զի կուրացեալ
լինէր 'ի Պարսից արքայէն , առհա-
ւատչեայ անտի տանջանացն զաս-
տիս ընկալեալ պատուհաս . զի է՝
որոց աստ ներէ Աստուած և անդ
տանջէ զչարս , և է՝ զորս աստ և
անդ տանջէ , զի մի կարճամիտքն
թերացին ։

Եւ արդ հնգեքին սոքա միա-
բանեալք 'ի միասին տօնախմբու-
թեամբս , հնգից զգայութեանց
մերոց լինին մաքրութիւն , և բա-
րեխօսք միշտ առ Աստուած վասն
տանողացս զյիշատակ սոցա ։ Զի
տօնասիրութիւն տօնասիրաց՝ ա-
ռանց չարչարանաց և նահատակու-
թեան պսակակից առնէ սրբոց

զտօնողս իւրեանց սիրով յուսով և
 հաւատով : Եւ արդ, դուք ինձ, ով
 աստուածային գլուխք՝ ոչ մի կամ
 երկու, այլ հոգեքին 'ի միասին
 պատուեալք . զսակաւ հիւսուածս
 բանիս յազգատիմաց մտացս և յան-
 արժան անձնէ՝ սիրով ընկալարուք .
 Թէպէտ և ոչ ըստ ամէնարժեայ
 մեծութեան ձերոյ, այլ 'ի մէնջ
 ըստ կարողութեան հատուցեալ .
 և հատուսջիք մեզ յանստառ աղ-
 բերացդ ըստ մեծութեան շնորհի
 ձերոյ զառատ ողորմութիւն . զի
 յայժմ առաւել ունիք համարձա-
 կութիւն բարեխօսել առ որում
 մերձ էք Աստուծոյ, քան յորժամ
 'ի մարմնի տաղաւարէիք : Այլ և
 խնդրեսջիք յամէնողորմ տեսառնէն
 աշխարհի զխաղաղութիւն, և եկե-
 ղեցւոյ սրբոյ զհաստատութիւն, և
 մանկանց նորին զմաքրութիւն և զսի-
 րոյ կապակցութիւն, վերակացուաց
 բանաւոր հօտից զմիաբանութիւն և
 զուղիղ քարոզութիւն . Ժողովրդոց
 զհաւանութիւն և զանդորրութիւն .
 և մեք խրախացեալք 'ի հոգեւոր սե-

զանոյ ձերոյ , փառաւորեսցուք ըզ-
 հայր և զնորդի և զՀոգին Երեւր ,
 այժմ և միշտ և յաւիտեանս յա-
 ւիտենից . ամէն :



ԳԱՏԾՈՒԹԻՒՆ

ՎԱՐՈՒՑ ԵՒ ՆԱՀԱՏԱԿՈՒԹԵԱՆՑ

ԵՐԶԱՆԻԿ ՀԱՅՐԱԳԵՏԱՑՆ

ԱՐԻՍՏԱԿԻՍԻ, ՎՐԹԱՆԻՍԻ

ՅՈՒՍԿԱՆՆ ,

ԳՐԻԳՈՐԻՍԻ , ՈՐԴԻՈՑ ԵՒ ԹՈՌԱՆՑ

ՍՐԲՈՅՆ ԳՐԻԳՈՐԻ



ԱՄԵՆԱԳՈՒԹՅՈՒՆ Աստուած որ ա-
սաց 'ի խաւարի լոյս ծագել, որ և
ծագեաց Ճշմարտասպէս իսկ 'ի սիր-
տըս մեր 'ի ձեռն երանեալ նահա-
տակին սրբոյն Գրիգորի, որք նըս-
տէաք 'ի խաւարի և 'ի ստուերս
մահու, և ծագեաց այսպէս: Արդ-
յեւթն և 'ի տասներորդ ամի ար-
քայութեանն Տրդատայ՝ նստաւ
յաթող սրբոց առաքելոցն Բար-
թողումէոսի և Թադէոսի, սրբու-
թեանցն գտեալ քահանայագոր-
ծող, և ծնող մեր ըստ աւետարանին
և նախահայր աստանօր արտագրե-
լով: Յետ այսորիկ ապա գնացեալ
եւս ընդ արքային Տրդատայ յաս-
տուածակարգ կայսրն Կոստանդիա-
նոս բազմօք իմն և նազելի և
վայելուչ մեծարանօք պատուէ ըզ-
սուրբ հայրապետն իբրեւ զկենդա-

նի մարտիրոս սուաջի անկանելով,
 և աղօթս նուիրականս և օրհնու-
 թիւնս 'ի նմանէն հայցելով, և այս-
 պէս զնա պատուասիրեալ, և Տըր-
 դատաւ հանդերձ հանեալ յոսկիա-
 պատ կառս, մեծաւ շքեղութեամբ
 յուղարկէ զճանապարհայն :

Զայսու ժամանակաւ յայտնեալ
 լինէր Ղարիոս Աղեքսանդրացի, որ
 գաւառանեալ 'ի դիւէ անտի, ոչ
 գիտասէր զՈրդի 'ի բնութենէ Հօր,
 և ոչ հաւասար նմա և ոչ յառաջ
 քան զյաւիտեանս 'ի Հօրէ ծնեալ,
 այլ արարած, և յետ ժամանակի
 գոյացեալ : Վասն այսորիկ իսկա-
 պէս ժողով եպիսկոպոսաց լինի 'ի
 հրամանէ Կոստանդնուս 'ի Նիկիա
 Բիւթանացւոց, ընդ որս և մերն
 Առիստակէս կոչեցաւ. և անդ հարք
 երեքհարեւր ութեւտասն ըստ Հոգ-
 ւոյն սրբոյ տուչութեան քսկեալ
 զազանդն Արիոսի՝ նշուլեալ մերժեն
 զնա 'ի հաղորդութենէ եկեղեցւոյ :
 Իսկ նորա զարժանի ամբարշտու-
 թեանն կրեալ հատուցումն, և
 խառն ընդ գարշելիսն 'ի վայր ըզ-
 փորոտին վայթեալ սատակէր :

Իսկ ապա մերն Առիստակէս գար-
 ձեալ գայր, բերելով ընդ իւր զար-
 ժաննկալ քսան կանոնեալ գլու-
 իղս ժողովոյն. ընդ որ յաւէտ
 խրախ լեալ Գրիգորի, յաւելոյր
 այլ եւս գլուխս 'ի նոյն' 'ի զգուշու-
 թիւն վիճակելոց իւրոց: Բայց յոր-
 մէ հետէ եկն Առիստակէս 'ի ժողո-
 վոյն Նիկիայ, այլ ոչ եւս յաւել-
 րեւել սուրբն Գրիգորիոս մինչեւ
 ցվախճան իւր. այլ երթայր բնու-
 կէր լռելեայն 'ի Մանեայ յայրան,
 ըստ գրեցելումն թէ Ի նաւահան-
 դիստ փութայ նաւ խառվեալ, և
 անձն ժուժկալի՝ խնդրէ զանապատ:
 Իսկ ապա լուսաւորութեանս մերոյ
 նահապետի սրբոյն Գրիգորի և ա-
 ռաքելական աթոռոյն նախաշաւիղ
 ճանապարհի, յիսկզբանց անտի-
 կալոյ յաթոռ հայրապետութեանն
 մինչեւ ցայնվայր, յորում ոչ եւս
 յաւել ումեք երեւել, թուին ամբ
 երեսուն:

Իսկ սուրբն Առիստակէս ժառանգ-
 հայրենի աթոռոյն, ամենայն իրօք
 զհետ երթայր սուրբ և արգար վաւ-
 ՆԵՐԲ. ՅՈՐԴԻՍ ԼՈՒՍ. 4

տակոց , ջանացեալ քրիստոսադիր
կիտիւ նուաճել զհօտ իւր 'ի կամս
Քրիստոսի , զոմանս հաւանողակա-
նաւ , իսկ զոմանս բռնաւորականով
կարգով ջանայր պահել յակաստա-
նի , և իբրեւ զսուր ինչ յազգեր միշտ
ունելով զհոգւոյն շարժմունս ,
յանդիմանէր զորս գտանէր 'ի
չար գործս հակառակ Հոգւոյն .
ընդ որոց ապա և Արքեղայոս ոմն
կուսակալ Ծովագ աշխարհին , կըշ-
տամբեալ 'ի նմանէն սակս չար գոր-
ծոց իւրոց , ըստ դիպաց իմն 'ի ճա-
նապարհի ուրեմն յաշխարհին Ծո-
ւիագ ժպրհեալ , ռխերիմ մոռք
սպանանէ զսուրբն սրով փախըս-
տեայ ինքն գնացեալ յարեւմուտս
Տաւրոսի . զոր ապա բարձեալ ըզ-
նշխարեալ մարմինն նորուն աշա-
կերտացն տարեալ հանգուցին յԵ-
կեղեաց գաւառն , 'ի Թիլն աւանի ,
կացեալ յաթոռ հայրապետու-
թեանն ամս եւթն : Ոչ Թաղումն
Թերեւս զնորայն վարկեալ իմ , այլ
փոխումն յայսմ աշխարհէ յաշ-
խարհն կենդանեաց , ուր ոչ լսի

համբաւ մահու , այլ մշտնջենա-
զուարճութեան :

Իսկ զկնի սորա անգրանիկ եղ-
բայր սորուն Վրթանէս յաջորդէ
զաթոռ սորուն , որպէս և հաճոյ
թուեցաւ հոգւոյն սրբոյ : Բայց
հոգեւոր ճառագայթն մեր սուրբն
Գրիգորիոս ամս բաղումս կացեալ
յայրս Մանեայ վախճանի , անգի-
տաբար իմն թաղեալ 'ի հովուաց'
իբրեւ գտեալ զնա 'ի կարդ իմն առ-
քատաց : Իսկ զկնի բազում ամաց
դտանէ զսուրբ մարմինս նորա Գառ-
նուկ ոմն ճգնաւոր աստուածային
իմն գողցես տուչութեամբ . և տա-
րեալ դնէ 'ի գեւղն Թորդան , յիւր
իսկ զբօսանաց պարտիզկանն : Զկնի
ամաց ինչ ապա և սուրբն Տրդատ ար-
քայ յանհամբուրիցն բարոյ և յան-
հրնազանդից ճշմարտութեն խար-
դաւանեալ խորամանկութեամբ և
տուեալ նմա արբուցումն մահու .
զոր տարեալ հանգուցանեն զմար-
մին նորա 'ի նմին աւանի 'ի նոյն
պարտիզկան , մերձ եղեալ 'ի քնա-
րանս սրբոյն Գրիգորի . որ համե-

մատ ընդ նմա իսկ զամենեւեան արտորոշէր 'ի Ճանապարհաց չարաց վերակացու երկրորդ լեալ լուսաւորութեանս մերոյ :

Իսկ մեծն Վրթանէս, մինչդեռ էր նա 'ի Տարոն գաւառի, 'ի մատրան Յովհաննու մկրտչի և Աթանազիսեայ վկայի, մահ սպառնացեալ լինէր նմա 'ի ծածուկ իմն 'ի բնակչաց Սիմ լերին, ոլք վասն ապիրատ և անազգալի չար գործոց միշտ յանգիմանեալ առ 'ի նմանէն լինէին: Իսկ նորա զգացեալ ապա, և տեղի տուեալ չարին, գնայ փախըստեայ 'ի գաւառն Եկեղեաց, անգկալեալ իւր կայեան բնակութեան: Իսկ յետ մահուան սրբոյն Տրդատայ անօրէնն Սանատրուկ երկրորդ ազգաւ յԱրշակունի տանէ, զոր կացուցեալ էր նահապետ Տրդատայ 'ի Փայտակարան քաղաքի, և յետ մահուան նորա ասլտամբութեամբ բազմաւ թագ իւր կապեալ. ըստ ամբարիշտ հրամանի նորա բարբարոս հիւսիւսական ազգքն այնոքիկ զսքանչելի մանուկն Գրիգորիոս,

զոր եպիսկոպոս Ազուանից կացուցեալ էին 'ի տոհմէ սրբոյն Գրիգորի՝ սպանանեն ձիախրոխտ ընթագրութեամբ 'ի Վատնեան գաշտին, և տարեալ հանգուցանեն զսուրբ մարմին նորա 'ի գեւղն Ամարաս՝ որ 'ի փոքր Սիւնիս :

Յետ այսորիկ ապա մեծն Վլըր-Թանէս չոգաւ գնաց առ կայսրն Կոստանդինոս որդի Կոստանդիանոսի, ըզձականերտութեամբ առ 'ի նմանէն հայցեալ Թագաւորեցուցանել Հայաստանեացս զխոսրով փոխանակ հօր իւրոյ Տրդատայ, զի Տիրեսցէ մեզ, ասէ, քրիստոսակարգ տէրութիւնդ ձեր, և մի լիցի մեզ տիրել Պարսից անաստուածից . զոր և ողջախոհաբար ընկալեալ զսուրբ այրն, և կատարեալ և զինգիրն, կացուցանէ Թագաւոր Հայաստանեայց զխոսրով : Իսկ յետ մահուն խոսրովայ մեծն Վլըր-Թանէս առեալ ընդ իւր զՏիրան որդի խոսրովայ, չուէ գնայ առ կայսրն Կոստանդինոս Թագաւորեցուցանել զնա փոխանակ հօր իւ-

րոյ : Իսկ կայսրն ապա ըստ առաջին նուագին բաղմապատիկ պատուով զնա մեծարեալ և առձեռն պատրաստ զհայցուածսն կատարեալ, առաքէ 'ի հայս պայծառապէս զՏիւրան թագաւոր պսակեալ, որ եկեալ տիրէր հայրենի տէրութեանն : Իսկ ապա անօթն ընտրութեան և խորհրդածուն խորոցն Աստուծոյ և առաքելական աւանդիցն քարոզ մեծն Վրթանէս լցեալ զկէտ կենացս փոխի յայսմ աշխարհէ յաշխարհն կենդանեաց, կալեալ զաթոռ հայրապետութեանն ամս հընգետասան, և տարեալ հանգուցանեն զնա ընդ հարս իւր 'ի գեւղն Թորդան :

Եւ յաջորդէ զաթոռ նորա Յուսիկ որդի նորուն, որ հետեւող հարցն առաքինութեան գտեալ հանգիսանայր միշտ 'ի բոլոր բարեկարգութիւնս : Բայց յետ հրաժարմանն Կոստանդեայ, Յուլիանոս անօրէն թագաւորեալ 'ի հռովմ, և հպարտացեալ 'ի վերայ գիտութեն Աստուծոյ, և կռամով գտեալ ու-

րանայր զՔրիստոս , և յարուցանէր
հալածանս եկեղեցւոյ : Ապա պա-
տանդս 'ի մերն Տիրանայ առեալ ,
կամակատար իւր զնա կացուցանէր .
և ապա զպատկերն իւր նկարա-
կերս , որ ըստ գիւաց պատկերից էր
պաճուճեալ , հրամայէ Տիրանայ
կանգնել յեկեղեցւոջ իւրում , և
վասն զի առ վտանգի երկեւզին՝ իւ-
րովի Տիրան տարեալ զպատկերն
կանգնէր յեկեղեցւոջ իւրում 'ի
Ծովոս գաւառի : Վասն այսորիկ
գիմեալ 'ի տեղին սուրբն Յուսիկ ,
հոգեւոր վարդապետութեամբ տը-
րոհել զնա 'ի չար մտածութենէն
հնարէր : Իսկ իբրեւ խնոյր լսելիք
առ 'ի չսել , յափշտակեալ ապա
զպատկերն 'ի ձեռաց նորա , և ըն-
կեցեալ յերկիր , և տրոփեալ ու-
տիւք 'ի վերայ խորտակէր . ընդ որ
և 'ի չարութիւն իսկ Տիրանայ բոր-
բոքեալ , հրամայէ հարկանել զնա
վարոցօք , մինչեւ անդէն աւանդէ
զոգին : Իսկ ծերունին Դանիէլ
վասն այնպիսի չար անզգամութեան
անիծակուր զարքայն արարեալ ,

հրամայեաց ապա և զնա եւս խեղ-
դամահ առնել . զոր տարեալ հան-
գուցանեն զնա 'ի Հացեաց վանս :
Իսկ զմարմին սրբոյ Յուսկանն տա-
րեալ զնեն ընդ հարս իւր 'ի գեւղն
Թորդան , որ եկաց 'ի հայրապետու-
թեան անդ ամս վեց :

Բայց վասն զի որդիք սրբոյն Յուս-
կան Պապն և Աթանազինէսն , ըստ
որում խաւարեցուցինն իսկ զսիրտս
իւրեանց անմտութեամբ , ըստ նմին
և զսարսափելի մահ անձանց նիւ-
թեցին . զի հրացայտ ցովունք 'ի
վերայ հասեալ սատակէր զերկոսին
'ի միում տեղւոջ : Մանկիկ մի փոք-
րիկ Ներսէս անուն միայն թողլով
իւր որդի Աթանազինէսն , որ յայն-
ժամ էր 'ի վարժս ուսման 'ի Կե-
սարիա . և ապա վասն ոչ գտանելոյ
այր յազգէ սրբոյն Գրիգորի , ըն-
տրեցին զոմն Փառնեբսեհ անուն
յԱշտիշատէ , և կացուցին զնա յա-
թու հայրապետութեանն . սա ոչ
աւելի քան զերեք ամս տեւեալ
վախճանի :

ደ ቴ ኔ በ ዩ ቶ ረ ሀ ካ

ՊԱՏՄՈՒԹԻՒՆ

ԶԵՆՈՎԲԱՅ ԵՊԻՍԿՈՊՈՍԻ

ԶՈՐ ԱՐԱՐԵԱՎ, Է ՎԱՄՆ

Ա Ն Տ Ո Ն Ի

Ե Ի

Կ Ր Օ Ն Ի Դ Ե Ա Յ

ԵՒ ԱՅԼՈՑ ՃԳՆԱՒՈՐԱՅՆ



Արդ իբրեւ եղեւ ելանել սրբոյն
Գրիգորի Լուսաւորչին մերոյ՝ ի խոր
վերասէն, և զայնոսիկ որ դիւագ-
նեալքն էին՝ հանգերձ Թագաւո-
րան բժշկեաց և դարձոյց յաս-
տուածպաշտութիւն լուսաւոր վար-
դապետութեամբն իւրով, և ի
հրամանէ Աստուծոյ ձեռնադրեցաւ
ի սրբոյն Ղեւոնդէ մեծէ, և հի-
մնարկեաց զեկեղեցին զոր իմ աւե-

լի անունս 'ի վերայ եգի՝ Գլակայ վանք . եթող անդ պաշտօնեայս եկեղեցւոյն զԱնտոն և զԿրօնիգէս միայնակեացսն , զորս 'ի Կեսարիայէ ածեալ էր ընդ իւր . և զաշակերան նոցա զԵպիփան հայր հաստատեաց . և եթող 'ի տեղւոջն կրօնաւորս քառասուն և չորս . և երկոտասան դաս տակերտս եկեղեցւոյն 'ի Ծառայութիւն կարգեաց : Եւ ինքն գրեաց Թուղթ առ Ղեւոնդ հայրապետն Կեսարիոյ , այսպէս .

Զառ 'ի յաստուածուստ պատուեալ և 'ի մարգկանէ փառաւորեալ տեառն և աստուածարեալ հայրապետիդ Ղեւոնդեայ Մեգաղու Կեսարեայ հոյակապ քաղաքի , որ 'ի ձերոյ սրբոյ ձեռնադրութենէդ և 'ի մեր փանաքիմացութեանցս առաջին Թուղթ ողջունիւ և սրբութեամբ հասցէ . որով միշտ զխաղաղութիւն պարգեւեացէ նախ ձերում փառաւորութեանդ և ապա բոլոր տիեզերաց :

Յոյժ գոհանամք ՂԱտուծոյ որ
հայրախնամ ողորմութեամբն իւ-
րով գթացաւ յազգս մարդկան իջ-
մամբ Որդւոյն իւրոյ միածնի, որ
զամենայն ազինս հրաւիրեաց յեր-
կնային քաղաքն 'ի ձեռն առաքե-
լական քարոզութեանն. յորմէ և
այս աշխարհի կարի առաւել մասն
պարծանաց եհաս. զի երկոքեան
ամուլքն աստ կատարեցան ըստ բաժ-
նի Հոգւոյն սրբոյ. որ թէպէտ և
առ նոքօք վերջացան 'ի ճշմարտու-
թենէն, սակայն ողորմութիւնն Աս-
տուծոյ գթացեալ և առ մեր նուազ
տութիւնս, 'ի մերում ժամանակի
կամեցաւ և գործեաց զսքանչելիան,
զոր դու իսկ լուար 'ի մէնջ և
ծանեար: Մանաւանդ կրկին իսկ
գոհութիւն Ատուծոյ մատուցա-
նեմք, առաւել և ձեզ օրհնութիւն,
զի զգանձն կենաց աննախանձ շնոր-
հեցէք աշխարհիս հայոց, զմիջնոր-
դին Ատուծոյ և մարդկան զսրբոյ
կարապետին Յովհաննու զնշխարան,
որով ցնծաց աշխարհս հայոց սորա

գալստեամբս , որպէս Յորդանան
 Քրիստոսի գալստեամբն : Եւ զայն
 գիտութեան աղագաւ ձեզ ծանու-
 ցանեմք . զի որպէս Քրիստոսի իջ-
 մամբն 'ի ջուրն՝ մահ կորեաւ . սոյն-
 պէս և աստ 'ի սորա գալստեանս ,
 զի գժոխոց դրունք բնաւ փակե-
 ցան : Զի է սա աստ յերկրիս
 Հայոց 'ի յերրորդ աւարտին լե-
 րինն՝ որ կոչի Տորոս , և հատեալ
 անցանէ մինչեւ 'ի դուռն Պահլաւ
 Պարսից . և թռնովաւ բնակին եր-
 կիրն Մամիկոնէից բազում վայե-
 լուչ տեղօք և առատատու պիտոյիւք .
 որ և որջացեալ էր մահ յերկուս
 տեղիս . ուստի և հրամանաւ Հոգ-
 ւոյն ձեռն 'ի դործ արկեալ՝ կործա-
 նեցի զպատկերսն սատանայի , և ե-
 դի 'ի մատենի անխախտելի վնշխարս
 սրբոց վկայիցն , որ և այժմ պա-
 տուեալ երկրպագի : Իսկ զերկուս
 կենդանի վկայսն Քրիստոսի զոր
 դու յղեցեր ընդ իս զԱնտոն և ըզ-
 Կրօնիդէս թողի 'ի տեղին ուր Գի-
 սանէսն կործանեցաւ . զոր տեղի
 Իննականեան նոր կոչեն : Որոց կէտ

եդեալ զվարս իւրեանց յաշխարհի ,
 զի խաչեալ իսկ են ընդ մարմինս իւ-
 րեանց ընդ Քրիստոսի և արդ մնան
 վասն բազմաց փրկութեան . զորս
 իբրեւ զանգիւտ մարգարիտս համա-
 րիմ զնոսա առւեալ ինձ : Բայց
 վասն մտերմական սիրոյդ զոր ունիս
 ընդ իս , աղաչեմ զի զմիւս այլ ըն-
 ծայն չնորհեսցես . զի հունձք բա-
 զում . հասեալ են 'ի Քրիստոս ,
 բայց զքեզ իբրեւ զճշմարիտ աէր
 մշակաց , զի հանցես մշակս 'ի հունձս
 յայսոսիկ : Յորոց մինն 'ի քաջ մշա-
 կաց զոր էս խնդրեմ 'ի քէն՝ Եղիա-
 զարոս Նիւստրիացւոց եպիսկոպոսն՝
 որ է եղբայր Զենուայ եպիսկոպո-
 սի , զոր ընդ իս ածեալ ձեռնադրե-
 ցի երկրիս Մամիկոնէից : Արդ և
 զգա յղեսցես հանգերձ այլ մշակօք
 մանկտուվք . մանաւանդ թէ զՏի-
 մոթէոս Ադոնացւոց եպիսկոպոս
 յղեսցես , զոր դու իսկ գովէիր
 զհմտութիւն դարութեանն , որ
 յոյժ պիտանի է երկրիս սյամիկ . ո-
 րով օգնութիւն գտեալ 'ի քէն ա-
 ղութից և խնդրուածոց , ուստի յա-

բաժամ ճգնութեամբ՝ բազմաց օրինակ գոչով դաստիարակելով շնորհիւն տեսաւն : Ողջ լիցիս վասն բազմաց փրկութեան 'ի տէր և մերոյ բարեխօսութեան յապառնին և 'ի ներկայսս :



ՊԱՅԱՍԻԱՆԻ ԳԱՅՄԱՆԱՒՈՐ ԳՐՈՅ
ՍՐԲՈՅՆ ԳՐԻԳՈՐԻ, ԶՈՐ ՅՂԵԱՑ ԿԵ-
ՍԱՐՈՒ ՀԱՅՐԱԳԵՏՆ Ի ԺԱՄ ՎԱԽ-
ՃԱՆԽՆ

Երջանիկ և սատուածարեալ
տեսաւնդ եղբօր և արոտակցիդ

Եհաս առ մեզ դիր ուրախարար,
և յոյժ անթերի ուրախութեամբ
լցեալ կազմուրեաց զվշտագնեալ
անձն իմ. որ թէպէտ և 'ի տրամու-
թեան էի վասն իրիս հասելոյ, սա-
կայն շարժեաց զմերս դանդաղու-
թիւն ձեր գոհութեան նամակդ.
զոր եւս առաւել գոհութիւն մա-
տուցանեմք Աստուծոյ ըստ գրեցե-
լոյդ 'ի քէն. որ ոչ անտես արար
զձեզ յիւրմէ սքանչելի ողորմու-
թենէն. որք բազում ժամանակս
մոլորեալք ընթացան ընդ խաւար
կռապաշտութեան՝ 'ի ճանապար-
հէ երկնային պողոտային. 'ի գէպ
ԶԵՆՈՐ.

եկեալ նոցա մարգարէութեանն
բան, թէ ժողովուրդ որ նստելիք 'ի
խաւարի անգիտութեան՝ տեսէք
զլոյս մեծ: Զի թէպէտ և վաղ ծա-
գեաց արեգակնն արդարութեան,
սակայն տղգ քո իբրեւ 'ի մէջ գի-
շերի շօշափէին զորմ կռապաշտու-
թեան. յորս հայեցեալ Աստուած
էջ 'ի փրկել 'ի ձեռաց անմարմին
Փարաւոյնէ, կրկին մովսէսեան գա-
ղափար զքեզ տուեալ գոցա յամ-
տուածակոյս կողմանն. և դու ըն-
տրեցար գոցա 'ի տեղի սուրբ առա-
քելոցն Բարդղոմէոսի և Թագէո-
սի. յիշեա զնոցա նահատակու-
թիւնն և մի երբէք վերջանար 'ի
շաւղաց նոցա, զոր ետ քեզ տէր 'ի
շինել և ոչ 'ի քակել. և չիք ինչ
պատճառ. զի և մուտ սրբոյ Կարա-
պետիս սկիզբն է շինութեան: Բայց
աղաչեմ մի մոռանար և զիմ երախ-
տիքդ զոր արարի ձեզ. զի և ես
օրհնութեան գտայց արժանացեալ:
Եւ զտեղիսն Իննականեան՝ զոր ո-
մանք Բարեբուխ կոչեն՝ կացո կրօ-
նաւորք և վանք շինեա ըստ օրինակի

այսց կրօնաւորացս զոր տեսեր 'ի մեր աշխարհիս . և 'ի սրբոյն Անտոնէ տռաւել ուսցիս զվարս ճգնութե , որ ոչ ինչ պակաս է 'ի հրեշապաց : Եւ զԵպիփան աշակերտդ Անտոնի հաւանեցուցի գալ առ ձեզ , ունելով ընդ իւր արս քառասուն ճրգնաւորս և խարաղնազգեստս , պարկեշտք 'ի վարս և հրաժարեալք յաշխարհէս . զոր առեալ կացուցես զԵպիփան հայր վանացդ Զենովբայ : Դրոշմեսջիր արձան յաւիտենից , զի մի ոք 'ի ճաստակերտս կամ 'ի գեղաքաղաքս զօրէն Աղեքսանդրացւոցն գործեսցէ , շինելով իւրաքանչիւր ումիք խրճիթս շուրջ ըզտէրուներան տաճարաւն , և առանձինն բնակել ազաջեմ մի տար հրաման , այլ ժողովել 'ի մի տեղ հարկւր արանց չափ . և որոշեսցես նոցա դաստակերտս և աւանս , որպէս զի պէտք վանացն 'ի նոցանէ վճարեսցին , և ինքեանք միայն ազօթից և ճգնութե պարապեսցին : Խրատեա և զիշխանս լինել ազքատասերս և ողորմածս : Իսկ զշինուածս

մատրանն մի շինեսցես կրօնաւորանոցս, այլ կացուսցես անդ քահանայս և քորեպիսկոպոսս, և որոշեսցես նոցա գաստակերտս դարմանիչս աղքատաց և որբոց: Բայց մեզ ազօթս արասցես, զի յերեւել ճշմարիտ հովուապետին՝ ընկալցուք զերկնից պսակն: Ողջ լերուք՝ի տէր:

Եւ առեալ զպատասխանիսն բերին առ սուրբն Գրիգոր. իբրեւ լուաւ՝ ուրախ եղեւ յոյժ:

Եւ յետ ժամանակաց ինչ լուր եհաս ՚ի գուռն արքունի, եթէ Կոստանդիանոս կայսր հաւատաց յԱստուած, և դադարեցոյց զհալածութիւն յամենայն եկեղեցեաց: Ապա խորհուրդ ՚ի մէջ առեալ գնալ ՚ի գուռն կայսեր վասն գնելոյ դաշինս ՚ի մէջ իւրեանց. և իբրեւ եկին և յանդիման եղեն Տրդատ Գրիգորիւ հանդերձ ՚ի գուռն Ժիրանափառ Ոգոստեայ, և եգին զդաշինսն ՚ի միջի՝ վկայիւն Աստուծոյ մեծիւ խօստովանողաւն և երանելեաւն

Սեղբեւորսսիւ հանգերձ Քրիստոսի հաւատացելովքն՝ զոր ընկալան 'ի տեառնէ : Եւ յետ աւուրց բազմաց ելեալ 'ի նմանէ մեծաշուք պատուով ընդ իւրեանս ունելով ըզգանձն աստուածային , զոր ետ արքայն Կոստանդիանոս զահեակ ձեռնն Անդրէի առաքելոյ , և այլ ինչ 'ի Պետրոսէ և 'ի Պաւղոսէ :

Եւ յորժամ եկին յԵկեղեաց գաւառն՝ կատարէին զյիշատակ Կարապետին որ յետ պենտեկոստէին , զոր 'ի նաւասարդի 'ի մին էր կարգեալ . բազում ցնծութիւն և ուրախութիւն աղքատաց և պատժապարտաց արձակել 'ի բանտից շնորհեաց : Եւ իբրեւ եկին 'ի տեղիսն Իննականեան , խնդիր արարին սրբոցն Անտոնի և Կրօնիդեայ : Իսկ պաշտօնեայքն ասեն . Այս ամ մի է զի ոչ եմք տեսեալ զնոսա : Եւ տրտմեցաւ Թագաւորն յոյժ , զի 'ի վաղնջուց ցանկայր տեսանել զնոսա : Իսկ սուրբն Գրիգոր առաքեաց խնդրակս զԱղբիանոս եպիսկոպոս 'ի խուցս նոցա հանգերձ եր

կու սարկաւագօք, տուեալ նոցա
խրատ թէ Յառաւօտուն պահուն
եւանեն յանտառէն 'ի բլուրս ու-
րեք, և դուք անդ կացէք զԿոյշ, զի
մի զձեզ տեսեալ փախիցեն: Եւ զա-
ւուրս չորս ոչ կարացին գտանել.
Իսկ 'ի լուսանալ աւուրն հինգերորդի՝
լուան զձայն սաղմոսերդութե՛ն
նոցա, զի գային յանտառէն յարե-
ւելից կուսէ 'ի քաղցրահամ աղբե-
րէն. և եկին 'ի բլուրն երեւելական
տեղւոյն Արարից Դեմետրեայ, զոր
կոչեն Արեւու բլուր. զի անդ էին
գարափոր խցկունք նոցա: Եւ իբ-
րեւ մերձեցան 'ի գլուխ լերինն,
սկսան սաղմոսել այսպէս. Լսելի
արա ինձ առաւօտուց զողորմու-
թիւնս քո, զի ես 'ի քեզ տէր յու-
սացայ: Իսկ Աղբիանոս ասէ. Հոգի
քո բարի առաջնորդեսցէ ինձ յեր-
կիր ուղիղ: Եւ աղօթեալ անդ ասէ
Անտոն ցԱղբիանոս. Բարի եկիր
Ճանապարհորդ խաղաղութեան:
Իսկ նա ասէ. Բարի և խաղաղու-
թիւն ընդ ձեզ մշակքդ Աստուծոյ և
օթեմանք Հոգւոյն սրբոյ. այլ և ա-

ւետիք ձեզ, զի սուրբն Գրիգոր և Տրդատ 'ի բնակութիւնս ձեր են և յոյժ խնդրեն զձեզ: Իսկ նոքա ասեն. Նաեւ ձեզ եւս առաւել ուրախութիւն և աւետիք, զի այսպիսի բարիք Աստուած 'ի ձերում ժամանակի. յայտնեաց, և զսատանայ կործանեաց, զհոգեւոր խաղաղութիւն աշխարհի պարգեւելով արարչին յաւիտենից: Եւ իսկոյն առաքեաց Աղբիանոս զսարկաւադունան առ հայրապետն աւետաւորս: Եւ սուրբն Գրիգոր առաքեաց առ Տրդատ աւետաւորս 'ի ստորոտ Արձանին զնոյն սարկաւադունան: Որ յոյժ ուրախութեամբ լցեալ եկն 'ի վանսն հանդերձ գլխաւորօքն. իսկ զանգիսն ուր զաւետիսն ետուն՝ հրամայեաց վէմս ժողովել, զոր և կոչեմք Աւետեաց խաղ:

Իսկ սրբոյն Գրիգորի առեալ ըզգասս պաշտօնէիցն, զանաառան հնչեցուցանէր. իբրեւ մերձ եղեն 'ի բլուրն՝ նոքա ընդ առաջ դային. և միաբանեալ 'ի բլուրն աղօթեցին:

Եւ յետ ողջունին ասէ սուրբն Գրիգոր . Բարիոք գտաք զձեզ և խաղաղութեամբ առաւօտք բարեաց : Իսկ նոքա ասեն . Բարի եկիր արուսեակդ արդարութեան , որ զտիեզերս լուսաւորես . մշակ առանց ամօթոյ և աշտանակ բարձրագոյն քան զերկինս : Եւ կարգացաւ անուն տեղւոյն Աւետեաց բլուր : Եւ իբրեւ եկին յեկեղեցին , հանդիպի նոցա Թագաւորն , և հայցէր օրհնիլ 'ի նոցանէ . և յարուցեալ համբուրեաց զնոսա , և նստան առաջի վկայարանին : Եւ նոքա բազում վարդապետութեամբ խօսէին ընդ նոսա , և ուսուցանէին զսրբութեան կրօնսն : Իսկ Թագաւորն մեծ դոհութիւն Աստուծոյ մատուցանէր : Եւ կացեալ 'ի տեղւոջն զաւուրս տասն և հինգ , ապա յետ այսորիկ գնաց 'ի բուն կայանսն արքունի 'ի Վաղարշապատ քաղաք :

ՎԵՍԸ ՄԱՀՈՒՆՆԸ ԱՆՏՈՒՆ
ԵՒ ԿՐՕՆԻԴԵԱՅ

Զենոր եկաց հայր Գլակայ վա-
նացն զամս քսան : Յետ մահուանն
Զենորայ եպիսկոպոսի՝ յաջորդէ
զաթող նորա Եպիփան աշակերտն
Անտոնի ամս երեսուն . 'ի սորա
տանն ամին եկն սուրբն Գրիգոր
առ Անտոն և Կրօնիդէս բնակել առ
նոսա յանապատին . իսկ նոքա հա-
նին անտի ասելով . Գնա յանժա-
նօթս ուրեք , զի մի աստ փառաւո-
րութիւն մատուցեն քում սրբու-
թեանդ : Իսկ նորա երթեալ բնա-
կեցաւ 'ի Մանեայ այրս , որպէս ա-
սի լինել անդ ամս եօթն , փոխի առ
Քրիստոս : Ստեփանոս աշակերտ
Եպիփանու ամս հնգետասանս . 'ի
սորա չորրորդ ամի վախճանեցաւ
սուրբն Անտոն . և յետ երկրորդ
ամսոյ սուրբն Կրօնիդէս , կացեալք
ամս քառասուն յիննականեան վան-
սըն , սակաւ ինչ հեռագոյն յեկե-
ղեցւոյն ըստ հարաւոյ կուսէ :

Յ Ա Ն Կ

Ժ . ՀԱՅՈՐՈՅ

- Ներբողեան յՈրդիս և 'ի Թո-**
ռունս սրբոյ Լուսաւորչին . 5
- Պատմութիւն վարուց Որդւոց և**
Թոռանց սրբոյ Լուսաւորչին . 47
- Զենոբայ Գլակայ պատմութիւն**
վասն Անտոնի և Կրօնիգեայ և
այլոց ճգնաւորացն 59

